

JEHOVA-JIRE ²

 Nda lumba, Mukwesu Roy. Katu ciimvwi kwa kaindi buyo kaniini kuciindi no tukomba. Tula kotamika mitwe yesu, ikuti na ula cita. Elyo atu yeeye buyo lino ikuti na kuli cintu cili coonse mu moyo wako eco nconga wayanda Leza ku kuvviila, sunumasiku, nkumbizyo imwi, kuizibya buyo mbuli mbo nyamuna janza lyako, a kwaamba, "Ndi jisi nkumbizyo kumbele lya Leza." Lino atu kotamike mitwe yesu mbuli mbo tukomba.

² Taata wesu Wakujuju, twa langanya eci kuba coolwe cipati, kuboola kuli Nduwe; mukuziba ceeci, kuti na twa boola mu Zina lya Mwami Jesu, twa kasyomezegwa kuti tuyo tambula eco nco twa lomba. Lino tatu booli ku Cuuno cabwami ca Lubeta. Inga titwa yanda ncobeni kuboola okuya, na ku Cuuno cabwami ca Kululama. Pele swebo...tu boola ku Cuuno cabwami ca Luse, oko nko—nko tuli masimpe kuba a nkumbizyo zyesu. Nkambo, tii twa kakonzya kwiimikila ku lubeta Lwako, naanka kuti inga twa ponena ku kululama Kwako, pele luse Lwako ndotu lombelela. Kotu jatila mpawo, Mwami, zibi zyesu. Twa komba kuti Uyo pa ceeco, alimwi kuti Uyo oba andiswe sunumasiku, kwiingula nkumbizyo yonse yaimininwa ku maanza ayo mbuli mbwa tambikwa. Nywebo mulizi eco cakali kunsi lya janza, mu moyo. Elyo, Leza, kwiina kuzumbaunya cakali ca malwazi, a lufutuko, a bayandwa. Twa komba sunumasiku, Taata, kapati kuli baabo, kuti Uyo pa nkumbizyo zyabo.

³ Lino twali kukanana aa mulanda Wako uusyomeka, Abrahamu, kazumanana a nguwe sunumasiku, mu lweendo Iwakwe. Twa komba kuti Uyo tulongezya mbuli mbo tu selemuka mu mugwagwa wa myaka minji ili myaanda yakainda, a mulanda uusyomeka oyo wakasyoma Ijwi Lyako. Akube kuti cibe mukozyanyo, mbuli Paulo mbwa kaamba muba Hebrayo, wa obo Abrahamu mbwa kabede, mukozyanyo. Elyo twa komba kuti walo, lusyomo ndwa kajisi, luyo yubununwa kuli ndiswe sunumasiku; ku syoma Ijwi lya Leza, a kuta Li zumbauzya, Ijwi lyomwe lya Ndilyo, pele ku Li syoma lyoonse, a kusyoma zintu zyoonse ezyo Nzya kaamba. Elyo akube kuti tukonzye kujatilila ku zisyomezyo ezyo Nzya katubamba, a kuba bana ba Abrahamu kwiinda mukuba muli Kristo. Twa cilomba mu Zina lya Jesu. Ameni.

Amu kkale.

⁴ Mukwesu Borders mulamfu aniini kwiinda Ndime, aboobo Nde elede kuleta ma maikkrofooni aniini kulaale kunselelo. Elyo ncoolwe kuba kokuno sunumasiku mu muswaangano oyu alubo, a kukombela balwazi, a kucita kufumbwa Muuya Uusalala

nco utulailila kucita. Ndi yanda kwaamba ceeći, kulumbaizya. Ku nyendo zyangu zyoonse kwiinda mu U.S., United States a Canada, Nda kabona cintu cimwi masiku ainda eco cakandi botela loko kwiinda mawhiluceya oonse ayo nge Nda kabona kusukumunwa, a zibelesyo zyoonse zyaka bikkwa ansi, boofu kubona, basinkematwi kumvwa, basyataambi kukanana, bafu bakabusigwa, dokotela wakasaina kaambo kakuti “i muntu wakali fwide, a kubuka.” Nkukoonse kwakali kukwelelezya. Pele cindi Ne kabona bantu masiku ainda, bali nzizo zya mbungano, tambula Bwini a kwiimikila mpoonya akati ka bantu, ku kulyambilila cuti bali lubide a kuyanda kucita ciluleme, eco cakali cibotu maningi Nce zyi.

⁵ I Mbungano, antela Nabwiinga ulisalidwe. Nku, Mu bamba lino. I ku Mu bamba . . .

⁶ I lubukulusyo lwakamana. Tu lizi obo. Takucikwe muuya wa lubukulusyo. Maora obilo aa kuswaangana, bantubonse bala tongauka. Mu lubukulusyo, mbuzuba a busiku, ciindi coonse, taakwe caku mwaika. I lubukulusyo lwa kamana. Alimwi aboobo tuvlulwida buyo.

⁷ Abrahamu wakacita kucipengela kusikila wa kajana ciimo. Elyo mpawo cindi na kajana ciimo, cintu citobela caka mubamba mpawo kuyo swaana sibwiinga. Eco nce cintu citobela. Mula yeeya cindi na kamujana? Ku ciindi caku mangolezya, mumuni waku mangolezya.

⁸ Kuumu ku banakazi a baalumi, boonse, masiku ainda; a kuba bona, mu kulemeka ku Ijwi, kwiimikila a kuzumina cuti bali lubide, kuyanda kujatilwa kwa Leza, a kuzumanana. Obu mbo busena bwakuba a lubukulusyo. Ikuti na kwaba lubukulusyo lumwi Ndwe zyi, inga lwacitika mpoonya ambali awa, awo myoyo iisyomeka. Nkaambonzi? Muli jisi cintucimwi cakubelekela wo, mwabona. Cintucimwi . . . Bunji bwabo bayooba basikamikami, taba yandi cuti ubaambile kujatikizya ncico; amuyeeye buyo, musyobo oyo wa lunyungu lwalo ndunyungu lwa kabungwe, kutali Lunyungu lwa Abrahamu. Ii Lunyungu lwa Abrahamu lula bona Ijwi, alimwi lula syoma Ijwi, cakubinda.

⁹ Cindi muvuule oyo muniini, ku mukalo masiku ayo, mwanakazi ku mukalo . . . Kwakali bapaizi a bama rabi kabaimvwi koonse, kabalanga kuli Jesu kacita, kupa citondezyo Cakwe ca Mesiya kuli mbabo, citondezyo ca Lugwalo, elyo ba kati, “Ngu Bezebule, dyabulosi, musondi.”

¹⁰ Pele Mumuni mbu wakabalila buyo ku mwanakazi oyo muniini, cindi Na kamwaambila eco nca kacita, Wa kaamba, “Munene, Nda ku ziba cuti Uli Musinsimi. Elyo tu lizi cuti Mesiya ulaboola, alimwi, cindi Aku boola, Uyo twaambila zintu ezyo.” Mwabona, cakufwambaana eyo Mbuto yakakanza yaka cijata, nkaambo lwakali Lunyungu lwa Abrahamu, ncobeni.

Elyo waa kabona Mumuni. Lya kali Ijwi. Waa kalizi kuti Ijwi lyakasyomezya ceeco, cindi Mesiya akuboola, Uyo cita zintu ezyo, nkabela waa ciziba.

Jesu wakati, “Nde Ndime ukanaana kuli nduwe.”

¹¹ Wa kazuzila mu muunzi a kusola kulamya bamwi. Waa kati, “Amuboole, mubone Muntu Oyo wandaambila zintu nze Nda kacita. Sa oyu tali nguwenya Mesiya?” Mwabona?

¹² Lino ijwi buyo ku bacizi besu. Nda kalanganisiga lyoonse kuba sikusulaika banakazi, pele Nseli obo. Mwabona? Cindi ni Nda kali mwana muniini, Nda kajisi luzibo lubbi; pele lyoonse Nda kajisi bulemu bupati ku mwanakazi oyo wakali mwanakazi, mulindu. Pele Nse jisi bulemu kuli baabo balitaminina kuba alimwi takuli booboo. Ndila botelwa kubona mulindu, mulindu wini ncobeni, walo ni ngale.

¹³ Mu buzuba buno cindi banakazi noba pilingene, bapilingene maningi mu mazuba aya aa mamanino. I Lugwalo lwaamba obo. Nkaambonzi? Nkuzwa mu bukkalo. Sa mula yeeya olo lwakali lupilingano lutaanzi? Wakali mwanakazi. Mbo mbubo. Elyo mu buzuba bwa mamanino! Tee twa kajisi eci; twa kajisi myaka iili zyuulu zili cisambomwe eyo balindu njo bakasola kuba balindu. Lino basola kulilemeka mbuli baalumi, kusama zisani mbuli bamaalumi, kugela masusu abo mbuli bamaalumi, azimwi zimbi. Taakwe noba kacita eco mu bukkalo bumbi buli boonse. I Bbaibbele lya kaamba kumbele eci, kuti bayo cita eci mu mazuba aa mamanino. Elyo mpaawa mpo mubede, lupilingano lwa banakazi. Ta cigambyi Bbaibbele lyakati, “Abo baka loboka kuzwa—kuzwa ku—kuzwa ku Zioni bayooba cabulemu mu busyu bwa Mwami, mu buzuba obo.” Mwabona, obo abo balo bayo loboka!

¹⁴ Yebo watii, “Ta cibambi lwandaano luli loonse.” Ci bamba lwandaano. Umwi wakati kuli ndime kutali ciindi cilamfu cainda, kati, “Mukwesu Branham, eco cintu ciniini ta cibambi lwandaano.”

¹⁵ Nda kati, “Ca kacita kuli Paulo. Elyo Paulo wakati, ‘Ikuti na angelo uuzwa ku Julu wasika a kuyiisya cimwi cimbi, abe mutuke.’ Naa abe mukutausi, na angelo, na bishopo, pope, na kufumbwa mbwabede, abe mutuke ikuti na cintu cili coonse ciliimpene kuli Eci.” Mwabona, obo mbombubo. Bagalatia 1:8, ikuti na muyanda ku Li bala.

¹⁶ Elyo wa kati, “Ee, Nse yeeyi...” Kati, “Nda kabona banakazi kaba jisi masusu mafwaafwi, bakali buyo mbuli silubombo a mubotu.”

¹⁷ Nda kati, “Mbo mbubo ncobeni, Nda kabona ceeco acalo. Pele eco tacili ncico. Mwabona, mweelede kuboola kuli ceeco Bbaibbele ncolya kaamba!”

¹⁸ Ino kuti Leza wakaambila Musa, “Samununa mabbusu aako,” elyo wa kati, “Mwami, Njo samununa buyo ngowani yangu, mibusena”? Mwabona? We elede kucita eco Leza ncaamba kucita! Elyo penzi lya ncico lyakali, eelyo Nde yeeya, eco cindibamba kulibilika loko kujatikizya ncico, cakuti bakutausi bayo buka a cintu cili boobo! Ino ncinzi? Ci tondezya kuti ngu Adamu wa busyaasunu oyo wakainka a mukaintu wakwe. Mwabona? Leza uyanda Adamu umbi oyo wiima a Ijwi, alimwi Walo alikke, Ijwi luzutu. I Ijwi lili luleme, takukwe makani! Uta unki nzila eyo.

¹⁹ Taakwe, mu myaka ili zyuulu zili cisambomwe, sa cakasola kuba eco banakazi ncoba kasola kuyanda kugela masusu abo, kusama mbuli mwaalumi, kupilingana. Tuli ku ciindi camamanino. Elyo America, kufumbwa muntu uuzi cisinsime, ulizi kuti America ila imininwa aa mwankazi. Olu lutegwa “Iwaanguluko lwa banakazi.” Lwaanguluko Iwanzi? Kucita mbuli mbwa yanda, cibi.

²⁰ Mwanakazi takonzyi kucita nca yanda kucita. I Bbaibbele lilati pe. Mwanakazi ncipangulule ca mwaalumi. Tali akwalo mu bulenge butaanzi. Mbo mbubo ncobeni. Waa kagusigwa kuzwa ku mwaalumi. Muntu wakali koonse kwaciimo cabwanakazi a bwaalumi; Wa kabweza muuya wa bwanakazi a kububikka mu kabambo ako kazwa ku lubazu lwakwe. Amuswiilile! Sena mwakabona cindi Rabeka nakaunka kuyo swaana Izaka, cindi na kasotoka kuzwa ku nkamele, waa kavumbilila busyu bwakwe? Nkaambonzi? Waa kali kuboola ku mutwe wakwe.

²¹ Taba cizyi. Beelede kucicita, nekuba. Sena mwakabona mwanakazi cindi naka kватва, ula bikka cisitilizyo kubusyu bwakwe? Nkaambonzi? Ula boola ku mutwe wakwe. Elyo Mbungano, Mbungano, mukuba Nabwiinga, weelede kuli vumbilila mwini ku kayanza kabukombi kali konse, walo uboola ku Mutwe wakwe, Ijwi. Kristo ndi Ijwi, alimwi Walo Mutwe.

²² Lino, beenzuma, Nse yandi kutilika ali ceeco. Ndali—Ndali—Ndali kulanga okuya sunu, a zibalo zya myaanda yosanwe, kabotu aniini kwiinda zibalo zya myaanda yosanwe, zya kuyiisya kusakene mu Bbaibbele. Pele Ndi yanda buyo kukkala a Abrahamu ku muswaangano oyu, bumwi.

²³ Nyewebo mulizi, Nda syoma kuti Mwami ndiza, ikuti na bakwesu taba bikkili maanu, alimwi ikuti bantu boonse, Ndi yanda kujoka kuno a kuba a lubukulusyo oko nko mukonzya kukkala kwa kaindi kaniini, mwabona, awo mpo tunga twa selemuka ncobeni a kubona buyo. [Mbunga yalumbaizya—Mul.] Ndamu lumba. Ndamu lumba. Ndamu lumba. Ndi lizi kuli nswi awa, Ndi—Ndi—Ndi lizi. Elyo Nda yanda kuzela nswi. Alimwi uli jisi cibelesyo cakubalesya, muntuumwi oyo usyomeka. Kufumbwa muntu inga walubizya. Yebo tozi; Nda fwa abuzuba, kuzwa ku bulubizi bwangu, a kusola kupona kumbele ly

Kristo. Elyo kufumbwa muntu mupati ncobeni, alimwi ujisi Muuya wa Leza wa kweendela a kuzumina kuti bali lubide, kwaamba, "Ndi yanda cintu ciluleme," Ndi jisi kaanzambwene kapati mpoonya alya, nkambo, olo Ndunyungu lwa Abrahamu ncobeni. Ba yanda ku Ci ziba. Ta ba Ci zyi citakuti ba Ci mvwa. Pele Yeelede kumvugwa lutaanzi, kati, "Mbobuti mbotu... kakunyina mukambausi? Elyo mbobuti mukambausi mbwa konzya kukambauka cita Leza waka mutuma?" Obo Mbwini ncobeni. Lino, amubone lino.

²⁴ Tu jokela kuli Abrahamu lino. Neibotu twa jokela ali nguwe, aboobo, a ku zumanana. Sa mulakonzya kundimvwa kabotu, kutala mu bbalukkoni kutala kuya? Tuli... Neibotu kubona, sunu masiku, nkamu ya bantu babotu. Muli bantu babotu boobu okuno. Ndi masimpe...

²⁵ Ndali kwaambaula ku mweenzuma sunu, oyo uuzwa ku Canada. I Mwami waka ndisololela kunselelo ku busena bumwi oko nko Nda keelede kulangila cintu cimwi kucitika. Elyo mpawo nkeimvwi... Oyu mweenzuma, Nda kamuswaana, elyo wakali kwaambaula obo bantu bana America mbo bakali basibulongwe. Elyo Nda kati, "Iiyi, alimwi omu lumwi i—i lwa Lunyungu lwa Leza lwa kakanzwa, mukati a koonse ku masena aya, alimwi mu busena obu bubi loko." Ta ndaambi munzi wako okuno. Munzi wangu, oyo Nkwe zwa, walo mubi mbuli wanu. Pele inyika yoonse nimbyaabii, pele batengwani bonse bakaibuka kuya Kumbo. Tu lizi obo. Lusumpuko lweenda a ndulo. Elyo oko lusumpuko nko lubede, mpaawo cibi mpo cibambilidwe. Mbo mbubo. Amu cilange atala ansi awa. Eyo ngu namaumbwe ya mukambausi. Mbo mbubo. Amulange ku Los Angeles, zintuzyonse a masena onse atukamu twanguzuuzu moonya omuya, alimwi bantubonse bajisi buzumini bwabukombi, njisyo. Ku njizya Ijwi omuya, to konzyi kucicita. Cili sofweede kapati! Mbo mbubo. Madaimona, badyabulosi, nkoonya ku cuuno ca Saatani! Pele nekuba akati ka koonse kwa ncico, kuli Mbuto imwi mukati mayu, akwalo. Elyo cintu biyo neco konzya kucita nkumwaisya Mumuni. Elyo ikuti na kufumbwa Mumuni oyo... Ikuti na kuli Mbuto okuya, iyo boola ku Buumi walo Mumuni mbouya ku luumina buyo. We elede buyo kubyala Mumuni, kwa mana. Elyo Walo Mumuni waku mangolezya, tu lizi obo, Ijwi Lyakwe.

²⁶ Lino, busiku bwainda twa kasiya Abrahamu. Nda katalika aa—aa cipati 22, pele Nse na cimaniza, nkaambo Nda kaunka kuyo bikka ceeco Abrahamu obo mbwakabede ku matalikilo. Elyo twa kamusiya busiku bwainda awo Leza mpakali kutondezya cipangano a nguwe. Oh, Nda ciyanda eco. Kumwayaula nkamu, kupanga i—i cipangano a Abrahamu. Elyo nzila mbo tu jisi... Cindi Na kaita Abrahamu, alimwi wakali kuyo tondezya cipangano kuli nguwe, Wa kamwaambila kubweza banyama botatwe ba myaka yotatwe yakukomena,

a kubandaanya. Elyo tuli jisi zyotatwe. Ta tujisi ciindi caku njila muli ncico. Ma, inga wa kkala ali ceeco cimwi, eco cimwi ciiyo mpoonya alya, mane kuseeni, inga kotano manide kucipandulula. Pele ubaanga biyo uuma masena mayandisi, a kulangila Muuya Uusalala mu ciindi eci kuyubununa cimwi ca ncico.

²⁷ Lino, obo bulondosi, Cituuzyo cilondokede, kulondoka, Leza wakalondola mu buumi bwabuntu eco Nca kali kuyo cita. Tu lizi tu jisi...Twa kajisi Leza Taata, oyo wakali Jehova Singuzuzyonse. Mpawo Oyo wakali mu Musumpululu wa Mumuni, kabweza Israyeli kwinda mu nkanda. Elyo Oyo nguwenya Jehova wakaba mu mibili wabantu a kukkala akati kesu, mu ciimo ca Mwana Wakwe simuzyalwa alikke, kalenga Cikombelo ca Lwakwe Mwini kukkalilamo, Leza waka tondezegwa mu mibili wabantu. I buzule bwa Buleza camubili bwakakkala muli Nguwe, kutondezegwa kulondokede. Mpawo (kwinda mu cipangano) cibeeda cabuntu Cakwe caka gusigwa, kakutauka, kuti Ako nzye (cipangano eci) kupambula Mubili oyo wakafwa, Bulowa obo bwakatilwa ku kujatilwa kwa zibi, a ku Ci busya a ku Ci bikka aa janza Lyakwe lyalulyo, a kutuma Muuya kujoka aa Buzuba bwa Pentekoste. Elyo obo Buumi mbubonya bwa kapona muli Kristo Jesu bweelede kuponwa mu bantu ba cipangano, mbubonya Buumi bucita cintu nciconya. Jesu wakati muli Johane 14:12, "Oyo usyoma Ndime, milimo Nje cita uyo icita awalo." Lino, eco cili luleme na cilibide. Ci leelede kululama! Kuli ndime, Ijwi lyoonse lya Ncico lili luleme. Ijwi lyoonse lili luleme cakulondoka. Amubone obo Leza mbwa beleka cabulemu.

²⁸ Elyo mpawo obo abo ba Taata...Mbuli Matayo mbwa kaamba, "Nkikaako kamuya, muka yiisyé masi oonse, kuba bbizya mu Zina lya Taata, Mwana, a Muuya Uusalala." Mwabona? Lino, Taata...Ta caambi kuti tu jisi Baleza botatwe. Tu jisi Leza omwe mu maofesi otatwe (Ciimocataata, Ciimocabwana, Muuya Uusalala), Leza nguwenya jilo, sunu, amuya myaaka. Obo mbombubo.

²⁹ Lino amubone obo mbocili cabulemu caka tondezegwa kuli Abrahamu, a nzila Leza oyo, mu Mumuni oyu, wa keenda aakati ka tubeela otu, ka zikutauka. Mbuli mbuli i... Twa kabweza busiku bwainda, obo mboba kabamba cipangano camulimo, kacilemba elyo mpawo kucizapula, kuti zyeedele kunjilana kabotu. I cipangano camulimo ceeede kunjilana kabotu.

³⁰ Lino nywebo mwabona, beenzuma, nce ncico Nce sola kwaamba. Akwalo akati ka bantu besu ba Pentekoste, kuli dyabulosi oyu wa bupampu, kusola kubamba bantu...Lino, Nda syoma mu zipego zyoonse zya Leza. Nda syoma mu koongolola. Nda syoma mu kwaambaula mu myaambo. Nda syoma mu zintu zyoonse ezyo Leza nzya kaamba. Pele

nekubaboobo to konzyi kuyaamina a zintu ezyo zili zyoonse kuba kaambo nco jisi Muuya Uusalala. Mwabona, buumi bwako bweelede kuunka a mbubo. Mwabona? Yako... “Kwiinda ku micelo yako ula zibwa.” Mwabona? Ezyo nze zintu zindi libilisya sunu, nkaambo Nda bona mbungano yangu ini, mbungano ya Pentekoste, kuba “ciwa ca bukombi,” kuzwa ku Bwini. Elyo kuleta Bwini bwa Ijwi kuli mbabo, baka Bu futatila. Mpawo kobabuzya, “Bool, kokkala a ndime,” taba kacicit. Mwabona, citondezya kuti kuli cintucimwi cilubide. Eco nce cindibilisya. Elyo, lino, tacili mbuli Mbwe lwana mbungano yangu. Ndili...

³¹ Ikuti na Nda tuyanda Kristo, inga caba cibotu loko kuli ndime kuli kankaizya aa Mbungano Yakwe kwiinda mbo cinga caba kuli kankaizya aali Nguwe. Nkaambo inga Nda sala kuti inga wali kankaizya aa bana bangu kwiinda kuli kankaizya ali ndime. Elyo, amuyeeye, Nda kayeeya kanji, ikuti na Nda jisi madosi obilo aa Bulowa bwini bwa Jesu mu mutiba, obo Mbwe kali kujatilila Obo, cakuti Nse ka Bu tila. Nda kalino eenda kabotu loko. Pele sunumasiku Ndi jisi zipati kwiinda ezyo, ku meso Akwe, Ndi jisi zya kaulwa kwa Bulowa Bwakwe. Mwabona, Wa katila Bulowa Bwakwe nkambo ka ndinywe. Elyo mpaawa Mpeli mbuli mukutausi sunumasiku, kajatilide, na ku mutondekela magolelo anu Aatamani. Aboobo Nse katondeka ku kayanza kamwi kabukombi na buzumini bumwi; lweelede kuba Ijwi, nkaambo eco nce cintu ciya kukkalilila. Lusyomo lwangu luyakidwe aa Ijwi, alimwi Kristo ndi Ijwi. Elyo ikuti na Kristo wabambwa Ijwi, nkokuti Ijwi lya yubululwa mpoonya akati kesu. Mwabona, ceelede kuba!

³² Lino, nkikaako, Nda syoma kuti Leza wa Cizuminano Cakale, koonse Nkwa kabede, Wa katila muli Jesu Mwana Wakwe. Elyo konse oko Jesu wa Cizuminano Cipyia mbwa kabede, Wa kakutila mu Mbungano eyo Nja kaula a Bulowa Bwakwe Mwini. Mwabona? “Ii kaindi kaniini a inyika,” kosmosi omuya, mabambe aanyika, “taika Ndi boni limbi. Nekubaboobo moyo Ndi bona,” nywebo, Mbungano, “nkambo Njo oba andinywe, nomuba muli ndinywe, kusika kumamanino aa inyika.” Mpawo Buumi, oyo Muyasi mupati, oyo Muuya waka gwisigwa kuzwa kuli Kristo ku Kalivari, kuletwa a kutila aansi aa bantu, Lunyungu lwa Abrahamu, olo Leza ndwakapanga cisyomezyo. Amuyeeye, tii cakali ku imbuto zyakwe zyoonse, pele “Mbuto.”

³³ Lino, kuli njisyo ya kukanzwa eyo iibolede, bufuba. Pele kuli lukanzo lwini ncobeni. Leza, ku kuzibakale, ula konzya kukanza nkaambo Uli jisi kuzibakale. Leza ta yandi kuti umwi akanyonyooke, pele, mukuba Leza mupatikampatila, wakalizi kuti oyo uyo nyonyooka a oyo uunga takacita.

³⁴ Ako nkekaambo Nca kaamba kumbele lya Izaka na—na... kumbele lya Jakobo na Esau wakazyalwa, Wa kasulaika Esau a kuyanda Jakobo. Kuzibakale Kwakwe kwaka Mu zibya kuti

Esau wakali mumpelenge, alimwi Wa ka Mu lekela kuziba kuti Jakobo wakalemeka bupati bwakuzyalwa; katalanganya nzila mbwa kabujana, wa kali kubuyanda. Lino, balombe bobilo, mayanga, bakazyalwa kuzwa kuli banyina a bawisi bomwe basalala, pele umwi wakali muzangi a umbi wakali ii—ii musyomi. Lino Leza, kwiinda kukuzibakale Kwakwe, wakalizi obo.

³⁵ Lino, Leza, ku kuzibakale, Ta—Ta bambi mulimo Wakwe mbuli... Inga tocita makwebo ako munzila eyo, aa tuvu litajisi kabotu mbuli obo. Leza wakalizi, ku kuzibakale, abo bakali noyo futulwa, aboobo Wa katuma Jesu ku kujata abo Mba kabona kumbele kuti bayo futulwa. Amubale ba Efeso, cipati 1, nkabela muyo cibona. Mwabona? Lino, okuya.

³⁶ Mpawo Ula tuma aansi Makani Aakwe mabotu a Kwaabyala, ulatuma ansi Muuya Wakwe ku Ci bamba kuba muumi. Lino, boonse bayo komena mu muunda omwe, Bahebrayo 6 cila twaambala kuti, "Eyo imvula ilaboola kanji," Jesu wakati, "aa nyika," elyo mula bona omuya, "ku bamba, kusama nyika; pele maamvwa a ziyasabavwimi, ezyo zili afwaafwi ku kukakwa, ezyo mamanino azyo nkuumpwa." Mwa cijana? Lino amuyeeye.

³⁷ Tuyo bweza muunda wa maila. Nywebo nobantu mulima whiiti awa. Alimwi nceeci i—i cilanga caka boola. Nzeezi zizambaila na insaku nzomu jisi awa, nsaku zizilwe zikomena mu muunda; zizambaila mu muunda, nsaku zizwa mukupa mu mvwili... muunda, mitubetube mu muunda. Elyo whiiti uli mu muunda. Bobilo bala fwa nyota. Alimwi mvula tai booleli nsaku, cita whiiti, pele eyo nsaku niini iyoima nji a kutangala mbubonya buyo mbuli whiiti mboiyo cita.

³⁸ Pele kwiinda ku micelo yabo mula zibwa. I Muuya nguwenya ula wida aali sikuupaupa elyo uyo ongolola a kulilemeka bumwi mbuli bamwi babo, pele buumi bwakwe mbo butondezya obo mbwa bede. Mwabona? Elyo tuya bulangila maningi aa kunyanyamukwa. Elyo sunu muunda uwzide misyobo yoonse ya kunyanyamukwa, misyobo yoonse ya kunyanyamukwa kutali kwa malembe a zintuzyonse zimbi. Ncamasimpe. Pele tweelede kujokela ku Ijwi, Bwini bwa Ijwi. I Ijwi, eco Nco lya kaamba!

³⁹ Lino, Leza kaambila Abrahamu kuti kwiinda muli nguwe, cipangano catatu, a cipangano cilikke. Jesu wakali kusimpikizya buyo kwa cipangano eco Nca kapanga a Abrahamu, Lunyungu lwabwami, Lunyungu lwa Muuya.

⁴⁰ Elyo kuli ndinywe nobeenzuma bayandisi bana Katolika, cindi mwaamba kuti, "Wabonwa, Maria, banyina Leza," sa tamu fwibweeme? Mbobuti Mariya mbwa konzya kuba banyina Leza? Ta kakonzya kuba. Yebo wat, ee...

⁴¹ Nda kali kwaambaula ku muntu umwi buzuba bumwi, ba kaliimpene. Ba kaamba kuti—kuti Jesu wakali i—i lunyungu lwa—lwa Maria. Ikuti na Wa kali lunyungu lwa Maria; lunyungu

kalutana konzya kuseluka aansi kwiinda mu kapila, kwa keelede kuba kunyanyamukwa ku cileta. Mpawo ubamba Jehova . . . Sa mwabona eco ncomu Mu bamba kucita?

⁴² Leza, Cilenga, wakalenga iji a seelo lya Bulowa, a kuleta Cikombelo. Elyo muntu taka jisi cintu cakucita a Ncico! Wa kali Leza alikke! Mbo mbubo.

⁴³ Waa kali mwanakazi mubotu, masimpe. Kuli bamwi banji babotu bakkede awa sunumasiku. Elyo cindi Leza amanizya kubelesya cintu cili coonse, cazwa ku cilao. Elyo tali sikwiimaakati. Tali banyina Leza. Walo mwanakazi, musalali mubotu mu Bulemu, nkaambo waa kabelekela bukanze bwa Leza. Elyo mwanakazi aumwi omuno ujisi coolwe nciconya, ndiza kutali mu nzila njionya, pele kubelekela Leza. Mwabona? Leza uyo mubelesya.

⁴⁴ Wa kamubelesya buyo kuba cikumbilo, pele Mwana wakali kuzulilwa kuli Leza. Inzya, Wa kali Cilenga wa iji a hemoglobini. Elyo hemoglobini, mubwini, izwa ku kunkwela ya mweenze; alimwi Wa kali Cilenga wa ceeco. Elyo Maria waka leta muvwanda oyu kakutakwe kunyanyamukwa kuli koonse, cita buyo Muuya Uusalala ku mu vunikila a kulenga mwida lyakwe seelo eli lya Bulowa a iji eelyo lya kazyala Muntu, Kristo Jesu.

⁴⁵ Elyo eco cakali cipangano eco Leza ncakali kulemba, kuti cindi Leza nakabambwa kuba muntunsi akati kesu, mpawo Wa zapaulwa. Mwabona, zyotatwe zyabo, myaka yotatwe yakukomena, mpawo kuzapauka. Elyo Leza waka bweza cibeeala comwe ca Ndilyo ku Muunzi a Nguwe, a kutuma cibeeala cimbi kunselelo okuno. Lino cindi Mubili waswaangana alubo, uyooba Buumi mbubonya obo bwa keendelezya Mubili oyo buyooba Buumi mbubonya bweenzya Mubili oyu. Elyo Wa kali Ijwi. Elyo Walo ndi Ijwi! Mwabona? Alimwi milimo yakacitwa a Ijwi kaindi lila cintu nciconya asunu. Walo ndi Ijwi, Ijwi Litamani. Elyo Ijwi lya Leza Talimani. Yaa.

⁴⁶ Lino ncinzi Nca kali kucita? Kubamba nzila, kutondezya, kuziba kuti Israyeli, lunyungu lwa kunyama, inga lwa Mu kaka; pele mukuziba kuti Lunyungu lwabwami, kutali kuzwa ku lulalano a Sarah, pele kuzwa ku lusyomo olo Abrahamu ndwa kajisi, eyo yaka zyala Kristo, olo Ndunyungu lwabwami ku masi oonse, asangene, Nabwiinga kazwa ku masi oonse. Abrahamu, taata wa masi, kutali kaambo kakuti wa kajisi i . . . kapona a mukaintu wakwe, Sarah, a kuzyala mwana, pele nkaambo wa kasyoma Ijwi. Ameni. Nce ncico.

⁴⁷ Lino tu jana kuti, ezi, olu luzibo lupati. Lino tu boola ku chipati ca 17. Tuyo sola ku jana cipati 22, ikuti na kulakonzeka. I cipati 17. Sena mula yandisya lweendo a Abrahamu? Nda botelwa buyo kucilangilila. Nkaambo kanzi? Zintuzyonse nzya kacita zyakali cikozyanyo cilondokede ca Mbungano. Mula syoma obo? Amubone, oonse Magwalo ala citondezya.

⁴⁸ Amulange Joeli, kati, "Ciyo boola kucitika ku mazuba aakumamanino, kuti Leza uyo tila Muuya Wakwe." Nzila mbo kwakali kuyo boola diingo akulya mbungano Yakwe! "Eco diingo nca kasiya, nsabaandwa; elyo nsabaandwa, camusokonya." Alimwi kalo nkavunyu komwe, kauka komwe mu zibeele zyone zyandeene. Kamwi akamwi kalya cipanzi. Ngooyu camusokonya na nsabaandwa kalya cikwa, alimwi kambi ka kalya micelo, alimwi—alimwi mpawo kwaboola tumbi twa kanyonka buumi kuzwa kuli ncico. Eco ncindi . . .

⁴⁹ Kristo, Musamu oyo wakali mu muunda wa Edeni! Kwakali masamu obilo mu muunda wa Edeni. Aya masamu obilo aka bambilwa bukanze bwa kuzyalwa. Elyo cindi . . . Eva, waa kali samu lya lufu ikuti na waa kagumwa. Elyo Kristo wakali Musamu wa Buumi. Lino kwiinda ku mwanakazi kwaboola lufu; kwiinda ku Muntu kwakasika Buumi.

⁵⁰ Lino cindi Na kaima awa kaambaula ku ba Juda, Wa kati, "Nda . . . bako . . ."

⁵¹ Ba kati, "Bamatata besu bakalya mana mu nkanda kwa myaka ili makumi one."

⁵² Wa kati, "Elyo bali, boonse, balifwide! Pele Ndime Cinkwa ca Buumi, Cisamu ca Buumi, eco cizwa kwa Leza kuzwaku Julu, kuti muntu alya Cinkwa eci nkabela takafwi."

⁵³ Leza wakabikka ba Serafimu kuya, ka kwabilila Musamu oyo, kuti taakwe muntu uukonzya Kuu guma. Lino Uli jisi ba Serafimu, kusola ku beenzya kuya ku Musamu. Buzuba obo, ba kabona cilengaano, ba kali kuyanda ku Cisamu, kujokela kakutakwe mulungo. Pele lino kumane mulungo wacibi, dyabulosi ula bofwaazyia, kubasandula nzila eyi kuzwa ku Musamu. Amubone.

⁵⁴ Cindi Kristo nakasika aa nyika, Wa kali Musamu uulondokede wa Leza. Davida waka Mu bona mu Ntembauzyo 1, kati, "Musamu wakasyangwa munsi lya mulonga, milonga ya maanzi." Milonga minji, Maanzi omwe; zipego zinji, Muuya nguonya. "Matu awo takayumi."

⁵⁵ Pele cindi Na kasika aa nyika, ncinzi cakacitika? Inguzu zya Roma zyakagonka musamu ulya a ku Mwa anzika aa musamu wakapangwa aamuntu. Mpawo Leza wakabusya Musamu oyo a Kuu bikka ku janza lyalulyo, a kujosya Muuya ku kubamba Nabwiinga Wakwe, mbuli Adamu mbwa keelede kuba mu muunda wa Edeni. Elyo cindi musamu oyo niwa katalika kweenda, wakali samu lya pentekoste.

⁵⁶ Tula mvwa poopu kaamba kuti, "Oonse mambungano, ajokela ku mbungano yeendelezya, ku matalikilo. Jokela ku Rome!"

⁵⁷ Ndi yanda simakani akale omwe, mukutausi omwe, na muntuumwi kwimikila, kundilanga ku meso akundi tondezya

eyo mbungano yaka talikila ku Rome. I Mbungano yakatalikila mu Jerusalema aa Buzuba bwa Pentekoste! Awo mpempawo. Kabunga kakatalika mu Rome, myaka ili myaanda yotatwe a cintucimwi kumane. Pele Mbungano yaka talikila aa Pentekoste; Leza kabamba cisamu ca Nabwiinga ca Kristo, a Muuya nguwenya wakali muli Kristo, kaibusya Samu lya Nabwiinga. Elyo ncinzi cakacitika? Cindi ni caka talika kutongela, kukomena, kavunyu ka Roma kakanjila muli ncico akutalika ku cikomauna. Eco diingo nca kasiya, camusokonya wa kalya, kusikila lya kaunka kulaale ku cifumpu.

⁵⁸ Pele Leza wakati, “Njo boozezya, mbwaamba Mwami.” Eelyo samu liyo yutuka alubo, nkambo Samu lya Nabwiinga liboolela Nabwiinga.

Kutala kwakasika Luther, ino Wa kacita nzi? Kutobela kululamikwa.

⁵⁹ Eyo nje nzila mbungano mboi njila, Johane kakambauka kululamikwa. Mukati kwakasika Kristo, kakambauka kusalazigwa. Cihebrayo... Nda amba Musalali Johane 17:17, “Ba salazye kwiinda mu Bwini, Taata. Ijwi Lyako Mbwini.” Elyo Wa kali Ijwi. Mbo mbubo. Wa kali Cituuzyo. Mpawo, aa Buzuba bwa Pentekoste, a Muuya Uusalala. Kululamikwa; kusalazigwa; elyo cindi musamu niwa katambula lubbizo lwa Muuya Uusalala, wakali samu lya Nabwiinga lizwide!

⁶⁰ Bana Roma bakacilya kusika ansi. Mbuli buyo mbo cakainka ansi, ca kayutuka! Elyo mbuli mbo cakatalika kuyutuka kwinda muli Luther, inzi? Kwiinde lufu lwa Luther, ba kaibunganya. Ino Mulumi wakacita nzi? Kakokweda ntabi zyakafwa zyakaindi.

⁶¹ Ngooyo waa kaunka, kulaale, moyo wa musamu kaukomena. Walo musamu wakakanzwa! Eyo Mbuto ili lede awo, yeelede kuboola! Elyo yaka boola alubo, nkabela Wesley wakatalika. Elyo baka jisi lubukulusyo lupati kensi lya kusalazigwa. Ncinzi cakacitika? Wa kaukokweda alubo, cindi niba kabunganya. Taakwe kabunga kakasola kubuka. Taakwe muntu waka sola kuwa oyo wakasola kujokela alubo.

⁶² Mpawo ambali kwakasika ba Pentekoste, a kuboozezya kwa zipego. Ino cakacita nzi? Kabamba kabunga! Ino Leza wakacita nzi? Ka kakokweda!

⁶³ Pele ino Wa kaamba nzi? “Njo boozezya, mbwaamba Mwami.” Uyo gusya eco cidyobedyobe, Mbungano eyo yaka sanzigwa ku Bulowa, yakaulwa mu Bbaibbele, a Ijwi litonkomene, Nabwiinga! I Mimuni yaku mangolezya ili mukuyutuka. Mpaali mucelo mpoubizwa? Mpoonya atala lya cisamu. Mpaawa Nda unka alubo!

⁶⁴ Kujokela kuli Abrahamu, kaindi, atu sike kuli Abrahamu. Ngooyu Wa boola, Lunyungu lwa bwami ilwa ciindi caku mangolezya kalu njila. Masi... Amubone lino kumane cipati

ca 17, tu jana kuti awa mu cipati 17, Leza wakalibonya kuli Abrahamu mu Zina lya Leza Singuzuzyonse.

⁶⁵ Abrahamu wakali myaka ili makumi ali fuka afuka yakukomena, alimwi ciindi eci coonse tee cakayumbwa, pele wakasyoma Ijwi lya Leza; a kwiita zintu zyatakaliko mbuli kuti zyakaliko, nkaambo Leza wa kaamba booboo, nekuba kusyoma kuti muvwanda uyo boola, kujatilila ku cisyomezyo. Ino mwaalumi! Ino mukwesu! “Abrahamu, oyo waatakwe bulangizi...” Zyalilo lya Sara lyakali fwide. Wa kali musundi. Mubili wakwe wakali fwide. I Bbaibbele lyakati wakali obo, kuti mubili wakwe wakali mbuli buyo uufwide. Elyo zyalilo lya Sara lyakali fwide. Elyo waa kali kutandila myaka ili makumi one yakainda kuya kumweezi, elyo nekubabooobo Abrahamu waka cisyoma, kuti uyooba a muvwanda nkaambo Leza wakaamba booboo. Nceeco we. Kujatilila ku Ijwi nkaambo Leza wakaamba booboo! Takukwe makani cintu, tunsiyansiya oto twa ka Li vumba, alimwi, nekubabooobo Ijwi eelyo lya kakkala awo! Lya keelede kuboola. Elyo Ijwi eelyo kalibikkidwe mu moyo wa Abrahamu!

⁶⁶ Takukwe makani na mbangaye baamba, “I mazuba a *ceeci* akamana, a *ceeco* okuya.” Kufumbwa kuti Ijwi kali lede awo, liyo bambwa kuba bulenge, nkaambo ndi Ijwi lyakamena. Nkambo, Leza ndi Ijwi, alimwi Buumi bwa Leza buli mu Ijwi. Amubone lino cindi Ijwi eelyo lya lokela mu Buumi bwa Leza, cintucimwi cacitika, cila citika. Lino amubone.

⁶⁷ Mpawo Wa kalibonya kuli nguwe mu Zina lya Leza Singuzuzyonse. Lino, Leza ujisi mazina alununuko aajisi zibeeila zili ciloba. Elyo Wa kalibonya kuli nguwe kuno mu ciimo ca Leza Singuzuzyonse, eco caamba “El Shaddai.” Mu i... “Shaddai,” mu Cihebrayo. *El* caamba “umwi tuyumu.” *Shadi* lyaamba “lukolo,” mbuli lukolo lwa mwanakazi. Elyo lino mubusena bwa “shad,” omwe; “Shaddai,” banji. Lino ino nkumbulizigwa kubotu ku mudaala, myaka ili mwaanda yakukomena, kajisi Ijwi lya Leza mu moyo wakwe, elyo awa Jwi lya Leza lyaka boola kuli nguwe a kwaamba, “Ndime El Shaddai. Ndime Leza Sinkolo.”

⁶⁸ Oh, ino nkumbulizigwa nko tujisi! Lino, kutali, amuyeyeye, kutali buyo “lukolo,” pele “lwalukolo”! “Kayaswa nkambo ka nsotoko zyesu; ku mibunda Yakwe twa ponesegwa.”

⁶⁹ Lino, ino mutumbu, uujisi muvwanda wakwe muniini, cindi nacisidwe a kuluka? Ula bweza muntu muniini. Ula mujatilila ku lukolo lwakwe, alimwi waa...wa ka nyonka nguzu zya banyina mu mubili wakwe wini kwiinda mu lukolo. Elyo kutali buyo kuti uli kkutilide na nkuti wa...Wa kaumuzigwa. Ula kwiila agolela jwi lyakwe, uli nyongene koonse; pele cindi mutumbu aa mubweza a kumu bikka...kumu bikka aa lukolo lwakwe, a kutalika kung’ung’una kuli nguwe, ku muzungaanya konse akonse, ula bamvwa banyina, mutwe wakwe acamba cabu, elyo

wa katalika kunyonka a kukwela nsana kuzwa kuli banyina, kuya mu mubili wakwe. Uli mukulibambulula mwini, kuyaka nguzu; alimwi alubo kukkuta, kuciindi buzuba a buzuba ula komena kuba anguzu a kuba anguzu loko.

⁷⁰ Ino nduzibo ku Lunyungu lwa Abrahamu! Walo ucili Leza Singuzuzyonse, El Shaddai! Inga twa bweza kufumbwa cisyomezyo eco Nca kapanga mu Bbaibbele. Lunyungu Lwakwe, bana Bakwe, ikuti na uli cisidwe, kojata buyo lukolo lwa cisyomezyo ca Ijwi lya kati, "Kwiinda ku mibunda Yakwe twa kaponesegwa." Cila kkutya! Elyo tuya buswena cakuzumanana, nsana zyesu, kuzwa kuli Umwi tuyumu, El, Umwi tuyumu, Umwi Utamani, kukwelela Buumi Bwakwe kuzwa kuli Nguwe, kwiinda ku cisyomezyo Cakwe.

⁷¹ Ino nkulimvwa kupa muntu ubikkidwe aa camba ca El Shaddai, kusyoma, mukuziba kuti tuli aanyonka nguzu zya Kristo, kuzwa ku cisyomezyo Cakwe, muli ndiswe!

⁷² Cindi El Shaddai naka yaama Abrahamu aa camba Cakwe, myaka ili makumi obilo ayosanwe kakutanaba; mudaala, myaka ili makumi ali ciloba ayosanwe yakukomena, nkabela mukaintu wakwe makumi ali cisambomwe ayosanwe; ta kasiya Lukolo olo. Wa keenda moonya kwiinda mu nyika nyenzu, akati ka bantu beenzu abo batakazi Leza, pele ula zumanana kupa bumboni alimwi wakali tuyumu mu lusyomo, kupa kulumbaizya kuli Leza, nkaambo wa kalizi kuti wakali kudulowa kuzwa ku cisyomezyo eco.

⁷³ Ino mbulangizi nzi bwa mbungano sunumasiku, mu oora lya mudima, malweza, kunyanyamukwa, kwa bupampu. I Muuya Uusalala wakati, "Ku mazuba akumamanino kuyooba mbungano yabupampu. I Muuya ulaamba cantangalala," Timoteo Mutaanzi 3, "mu ziindi zyamamanino bamwi bayoozwa ku Lusyomo, kuswiilila ku myuuya ya lweeno, a njiisyo zya madaimona," masimpe, "kaba jisi a ciwa cabukombi." Ino bakali kucita nzi? "Basikainya, basikulisumpula." Mwiiyi Ph.D., LL.D., QST, mabande aya oonse. "Baa, Mwiiyi *Niini-a-niini*, ciindi cili *boobu-a-boobu*, mweembeli wesu."

⁷⁴ Inga ndasala muntu umwi kuba mu mukwasyi wangu, na mwana wangu, abo batakazi lwandaano akati ka bunyangu bwakatugwa a kkofi, a kuziba Kristo! Mbo mbubo. Mugwisye kulaale kubusena bumwi kwinda ku cifumpu cakaindi a kufugama ku mazwi akwe a kukomba a nguwe mane Muuya Uusalala wasika muli nguwe. Inga ndasala kuba aceeco kwiinda loonse lwiyo lwa kulilemeka boongo ndo konzya kutila muli nguwe ku digrii lya bwiiyi. Mwaambila Ijwi lya Leza! Iiyi.

⁷⁵ "Pele basikainya, basikulisumpula, basikuyanda misaalo kwiinda basikuyanda ba Leza, basikujaya zizuminano, basikulengeleya twaambo, batakkutili, a basampaula abo baluleme."

⁷⁶ Oh, yebo wati, "Abo mbana Kkomunizimu." Peepe, peepe! Abo bategwa Mbanakristo.

⁷⁷ "Bala ciwa ca bukombi, pele balakazya Nguzu zya mbubo, kuzwa kuli bali boobo kofutata. Nkambo aba ngo musyobo wabaabo baunka kuzwa ku ng'anda kuya ku ng'anda, kaba solela banakazi bafubafuba, beenzegwa a zisusi zyandeene, taka konzya kuboola ku luzibo lwa bwini." Mbo mbubo. Obo mbo cibede. Elyo tula bona buzuba obo.

⁷⁸ Elyo ino nkuumbulizigwa ku musyomi, ku kulyandaanya mwini kuzwa ku kutasyoma koonse, tuyanza twabo toonse twabukombi twabubi, zyoonse njiisylo zyabo zyabubi, a kulanga kugama Kristo a kubweza Ijwi, a kujatilila ku Ijwi eelyo kusikila mwa Li bona kali yubululwa. Takukwe makani obo mboelede kulindila, kkala alya! Leza waka cisymezya. Wa kakusololela kuli ncico, jatilila kuli ncico! Kokkala awo. Utu cijosyi. Kokkala mpoonya awo. Ikuti na uli masimpe kuli ncico, uyo kkala awo. Pele ikuti na ula zungaana, uyo angulula cintu ciniini cili coonse. Sokwe ula kwemba zintu zibalama, pele masekese ujatilila cakwe. Aboobo, kozumanana kukkala! Iiyi, kojatilila, kujata kubotu!

⁷⁹ El Shaddai! Wa kati, "Ndime El Shaddai. Abrahamu, Ndime Umwi muyumu. Uli mudaala. Yebo uli myaka iili mwaanda yakukomena eno, nguzu zyako zyoonse zyamana; pele Ndili Nguzu zyako! Bulangizi bwako boonse bwamana; pele Ndili Bulangizi bwako!"

⁸⁰ Oh, yebo uciswa, sunu masiku, abusena awa a kkulenge a zintu, sa tokonzyi kubona awo Nguzu zyako mpo zizwa? Kutali kuzwa ku cifulo ca sikupandula, pele kuzwa ku Ijwi lya Leza! "Ndili Caabilo cako! Ndili Nguzu zyako! Yebo ukwelela nguzu zyako kuzwa kuli Ndime!"

⁸¹ Kutali kuubaula dokotela uppandula eno; ula cita cibeela cakwe eco cili kuli nguwe. Pele Leza walo Musilisi. Taakwe kupandulwa, taakwe dokotela, taakwe musamu uusola kuponya. Peepe, munene, taba jisi musamu omwe uyo ponya. Lino, kufumbwa dokotela uyo kwaambila ceeco. Ba jisi zigwasilizyo, pele Leza walo Musilisi. Inga batenda kapulo mu janza lyako, pele Leza weeleda ku ciponya. Taba jisi cintu ca kuyaka matisyu; ikuti noba kakonzya, inga bayaka mutntu. Aboobo nywebo mwabona, Leza ngo Sikuponya. Inga wabamba cifuwa, pele Leza weeleda kuciponya. Leza ngo Musilisi, "Ndime Mwami uuponya malwazi anu oonse." Elyo to konzyi kubamba Ijwi lya Leza kubeja; Liyo jokela ncobeni ku bwini ciindi aciindi, kujokela buyo ncobeni cigaminina. To konzyi ku Li bamba kubeja.

⁸² Lino ba lati Bbaibbele lila likazya Lini. Nda kabuzya, a kwaambila bantu kuti inga Nda bapa kuvola mu masena akubelekela, ikuti na Nda konzya, zintuzyonse Nze konzya kucita, kundi tondezya ijwi lyomwe mu Bbaibbele likazya limwi

limbi. Mbo mbubo. Ta buko. Ngu kaambo kakuti mizeezo yako yakunyama ila ilanga mu nzila mbo icita. I Muuya Uusalala ngu Sikupandulula wa Ijwi eelyo. Eelyo Ijwi mbwini, libambidwe antoomwe. Nku koonse okuya mbuli cisolo ca jiggins, pele citola Muuya Uusalala ku Ubikka antoomwe, ku Li bamba cifwanikiso ca lununuko lwa Leza a zileleko Zyakwe ku bantu Bakwe. Ameni. Tali likazyi Lini! Takukwe Lugwalo lomwe, taakwe kampango komwe ka Ndulyo, kakazya kamwi kambi. Ikuti na mbo cibede, ta ceeleli apepa mpo lembedwe awo, cila cenga. Leza tacengi. Leza ngwa bwini, uliluleme, uusalala, uusyomeka. Ngu Leza.

⁸³ Lino, cindi Abrahamu naka bweza ijwi eli, kuti “Ndime El Shaddai. Ndime Sikupa wako Nsana! Mukaintu wako, zyalilo lyakwe lyayuminina, myaka ili makumi one yakainda yaku mweezi, mubili wako uli mbuli biyo ufwide; pele Ndime El Shaddai.” Wa kaleta Ishimaeli, nywebo mulizi; pele Wa kati, “Oyo tali nguwe. Peepe, uyooba muntu mulemu. Uyo zyalila basibwami banji loko. Pele umwi oyo Ngwe kabamba cisyomezyo aco, cili akati ka nduwe a Sarah.” Nce ncico! Ameni. Abrahamu wakalimvwa kabotu loko.

⁸⁴ Wa kati, “Lino Ndi yanda ku kwaambila cintucimwi, Abrahamu. Ndiyo cinca zina lyako.” Wa kati, “To cili wa kwiitwa kuti Abram, pele Abrahamu.” *Abramu* caamba “taata mupati—mupati.” Pele *Abrahamu* caamba “taata wa masi.” Elyo S-a-r-a-i takacili limbi; ngu S-a-r-a-h, *Sarah*, “sibwami mukazi.” Kacinca mazina abo! Ino ii—ii zina lyakacinka! Cintucimwi cakacitika nkaambo bali... Mwabona, kweelede kuba kucinca kakutana citika. Ta kakonzya ku bapa mwana kufumbwa kuti mazina abo aka kkala kali boobo.

⁸⁵ Elyo to konzyi kuzyalululwa kufumbwa kuti zina lyako kalitako kuzwa ku Bbuku lya Julu. Inga mwa cibikka aa mbungano yoonse, Methodisti, Baptisti, Presbyteria, kwiibweza kuzwa ku busena kuyaku busena, kabakwankwana a boonse babo; pele liyo elela kubikkwa mu Bbuku lya Julu cimwi kacitana konzya kucitika, a cilenge cipyra cikonzya kusika. Buumi bupya kabutana konzya kusika, mazina abo akacitwa kucincwa. Inga wacinca lyako, ayebo, kuzwa ku mabbuku aya aakabambwa aa bantu, ku Mabbuku aa Julu.

⁸⁶ “Elyo awo, zina lyako tali *Abramu* limbi, ‘taata mupati’; pele ngu *Abrahamu*, ‘taata wa masi.’ Takucikwe limbi (*Sarah*), *Sarai*, pele *Sarah*, ‘sibwami mukazi.’”

⁸⁷ Oh, mpaawa twa boola lino kusika ku cipati 18. Kuzwa kuli ka 17, atu unke cigaminina kuli ka 18, nkaambo cili buyo... Nse yandi kusakana loko kuzwa kuli ncico sunumasiku, kumujata okuno, nkaambo Ndi yanda kuti mujokele juunza masiku. Lino amubone. Elyo tuyu sika, cakufwambaana buyo mbuli mbo tukonzya, kuli ca 22. Amulangilile lino. Cindi nica

kasika buzuba bumwi kutandila, ndiza, kwaamba, mazuba obilo na otatwe kuzwa ceeco, Abrahamu a Sarah, matente abo aka bambwa.

⁸⁸ Kulaale kunselelo mu dolopo kunselelo okuya, Nda yeeyela Muka. Lota wakasamide madressi mapya oonse ngo baka jisi kunselelo okuya. Elyo waa kali kucita bubambe bonse bwa masusu a zintuzyonse nzoba kajisi. Waa kali kupona buyo mu bupaale budula, alimwi waka citya bana bakwe bonse basimbi nzila njionya. Mbulonya mbuli sikuvuula mupati wakaindi mbwa cita sunu, a kubamba boonse bana bakwe basimbi kucita cintu nciconya.

⁸⁹ Lino, pele Sarah, nekubakuti mwanakazi mubotu maningi mu cisi coonse, waka kkala aa nyika itazyali, nkaambo waa kali jatilide kuli nguwe oyo waka jisi cisyomezyo. Lino ncibotu Nda siya mpoonya awa, nkaambo Njo unka, Njo ba... Njo mujata mane akatikamasiku. Waa kali jatilide kuli Abrahamu. Mbo mbubo. Wa kajisi cisyomezyo.

⁹⁰ Jatilila kuli Kristo, Ngo Nguwe ujisi cisyomezyo! Ngo Cisyomezyo. Ngo Cisyomezyo! Amubone.

⁹¹ Buzuba bumwi zuba lyakazwa kalipyaa maningi cifumo cimwi, Abrahamu wakali kkede mu cimvule ca tente lyakwe okuya munsi lya mubanga. Elyo wa kalanga ansi, kweelede kuti cakali kutandila ileveni okuloko, elyo wa kabona bantu botatwe kaba boola, kabeenda kumbele, lusuko aa zisani zyabo. Elyo Abrahamu wakayutuka. Kwakali cintucimwi mu moyo wakwe caka mubamba kulimvwa kabotu loko, elyo wa kazuzila kubusena a kuwida ku matende abo. Elyo amulangilile, wa kati, "Mwami wangu!" Sa tacili ceenzu? Botatwe babo; pele "Mwami wangu"!

⁹² Amulange Lota. Cindi bobilo babo niba kaselemukila okuya, bobilo buyo babo, wa kati, "Bami bangu." Lota waka baita kuti "bami." Abrahamu... Lota wakaita, bobile, "bami."

⁹³ Elyo Abrahamu wakaita, botatwe babo kuti, "Mwami! Mwami wangu!" Amen! Oh, ciindi cili afwaafwi! Amubone, wa kati, "Mwami wangu, ikuti na Nda jana luzyalo ku meso Aako, kuboola kwiinda, kokkala kundi lya mubanga. Andi lete maanzi masyoonto, a kusanzya matende Aako, a kubweza munsuma wa cinkwa. Nkambo aka nke kaambo buyo Nco kaindamo, kuzo ndibona." Ba keenda okuya.

⁹⁴ Wa kazwa a kweenda kwinda kusule lya tente, a kuti, "Sara, kanda fulawa cakufwambaana, a kujika zibunge mu citofu." Wakaunka akujana moombe muniini, nkabela waka mujaya a kumufunda, akutenda zituli, akuleta bbata a mukupa, a—a ku zibikka kumbele ya bantu, nkabela ba kalya.

⁹⁵ Elyo Umwi wabo wakali Leza Mwini! Eco ncencio Bbaibbele ncolya kaamba. Lino ikuti na tuyanda kukazya Ndilyo, amuzumanane. Wa ka Mwiita kuti "Elohimu, Leza." Wa

keelede kuziba; wa kali kwaambaula kuli Nguwe. Amubone, “Mwami Leza!” Lino, Umwi wabo wakali Leza. Elyo wa ka Mu langa. Abrahamu waka ciziba. Lino amulange okuya.

⁹⁶ Ii mukutausi wakati kuli ndime ciindi cimwi, wa kati, “Mukwesu Branham, to kanzi kundaambilila kuti ula syoma obo, kuti oyo Muntu wakali Leza?”

⁹⁷ Nda kati, “Abrahamu wakati Mbwa kabede. Boonse basanduluzi baka cisandulula nzila njionya, mupati M-w-a-m-i. Alimwi uli onse ubala Bbaibbele ulizyi kuti mupati M-w-a-m-i ngu Elohimu. Kazwa ku bbala ndilyonya, Elohimu! ‘Ku matalikilo, ku matalikilo, Leza wakalenga,’ Elohimu, Singuzuzyonse, sikulibeda Mwini, ‘kalenga Majulu a nyika.’ Ngooyo Mbwa bede alubo, kaimvwi nkoonya kumbele lyakwe.”

Wa kati, “Ee, yebo ulizi,” kati, “oyo—oyo wakali muntu buyo.”

⁹⁸ Nda kati, “Masimpe, Wa kalya nyama, Wa kalya, kanywa mukupa, elyo Wa—elyo Wa—elyo Wa kalya cinkwa.” Nda kati, “Masimpe, Wa kali Leza.”

Wa kati, “Mboluti eco mbo cikonzya kuba?”

Nda kati, “Badaala, yebo—yebo . . .”

⁹⁹ Nda—Nda syoma taba cisi kulimywa kwanu; ba kali Kamboni wa Jehova. Elyo wa kati kuli ndime, wa kati, “Ee, Ba. Branham, kolanga awa, Ndi yanda ku kwaambilila cintu cimwi. Leza takonzyi kucita eco.”

¹⁰⁰ Nda kati, “Yebo tozyi buyo Leza wangu. Kwa mana.” Nda kati, “Ino mibili wa muntunsi upangidwe buti? Petroliamu, potashi, a mumuni wa kkozimiki, tuntu tuli kkumi acisambomwe. Cintu buyo Leza nca keelede kucita nkuseluka a kulangalanga Sodoma, Wa kati . . . katambikizya buyo a ku Mu jana mumuni wa kkozimiki a petroliamu, a ‘Fyuu!’ Kat, ‘Boolu okuno, Gabriyeli, kanjila omuno.’ Mbo mbubo. Katambikizya a kubweza suko limbi, ‘Boolu okuno, Mikayeli, kanjila omu.’ Elyo wakabamba lyomwe Lyakwe.” Wa kacita kwiiminina cintucimwi Nca kali kuyooba mu mazuba aakumamanino, aboobo Wa selemuka ncobeni a kwaambaula mu mibili wabuntunsi. Mbombubo ncobeni. Oh, Ndili kkomene loko kuti Walo musyobo oyo!

¹⁰¹ Buzubabumwi takukabi akwalo cintu cisyeede kuli ndime. Nda kapangwa aa tuntu tuli kkumi acisambomwe, ambebo. Nda kali kukamuna ayo masusu obile na otatwe Nge jisi akasyaala, buzuba bumwi. Mukaintu wangu waka ndilanga, elyo waa kati, “Billy, uya buba syalubala.”

Nda kati, “Oyandwa, Nse na sweekelwa lyomwe lya ngawo.”

Waa kati, “Wali kunga ujisi masusu avungene.”

Nda kati, “Inzya, pele Nse na sweekelwa lyomwe lya ngawo.”

Waa kati, "Amukcombe ndaambile awo mpo babede."

¹⁰² Nda kati, "Mpawo, oyandwa, ko ndaambila oko nkwa kazwa Nke tana kwaajana. Elyo kufumbwa oko nkwa kabelde Nke tana kaba angawo, akali kulindila ndime kusika kuli ngawo."

¹⁰³ Ameni! Bulemu! I Bbaibbele lyakati, "Taakwe susu lyomwe aa mutwe wako liyo loba!" Aleluya! Mbo mbubo ncobeni. Tali kaciti, nekubaboobo nkolili; alimwi nekuboobo taliko, mpawo nkolili. Ncamasimpe. Mbombubo! Petroliamu, mumuni wa kkozimiki, kkaushiamu, potashi, azimwi zimbi. Leza... Cindi Ne tali cintu, taakwe nco konzya kubona, itwe buyo, Uyo kanana, aleluya, kuwaala potashi oyo a petroliamu antoomwe, nkabela Njo pona alimwi mu Busyu Bwakwe. Aleluya! Ula tupa Buumi Butamani. Ameni. "Boonse abo Taata mba Ndi pa, taakwe cintu cisweekede, nkabela Njo mibusya alimwi ku mazuba aa mamanino." Nda cisyoma! Mbuli Lunyungu lwa Abrahamu, Nda langila buzuba obo! Ndi yandaula Munzi Oyo Wa Muyasi a Sikupanga ngu Leza. Ameni. Ncamasimpe. Takukwe makani oyu mbousutana lukanda aku yabaala, a masusut kaloka, takukwe makani kuli ceeco cicitika, Leza uyo mibusya alubo, mu bweebesi batupati bwa bukubusyi alubo, ku buzuba obo bwamamanino. Wa kasyomezya kuti Uyo cicita, alimwi Ndi yandaula Munzi oyo! Ameni. Oh, ma! Nda limvwa cabukombi loko ndyoonya lino, mukuziba, alimwi obo bulangizi obo bulelekedwe kabulindila ndime Okuya. Ndi yandaula Munzi oyo. Moyo wangu uladuntaana kuli Nguwo. Oh, taakwe nzila yomwe Mbweyo nyona, pele kulanga cigaminina ku Busena obo. Leza, ndigwasye kukkala mpoonya awo, cabwini a kusyomeka, kuwaala ntambo ya buumi, koonse, akuleta muzwamasi onse ukatede Ngwe konzya, ku zwidilila.

¹⁰⁴ Iiyi, kajisi cilengaano ca ncico kutali ciindi cilamfu cakainda, a kucibona, a kubona bayandwa bangu okuya, kabajokela banini alubo. Nko cili. Nko cili. Ndi lizi nko cili! Iiyi, munene! Lino, antela mula libala mu *Jwi* lya Bantu Basimakwebo Banakristo, a ma magazini manji a zintu kazi lilemba. Beenzuma, eco tee cakali cilengaano. Nda kabona zilengaano, Ndi lizi, eelede kuziba nco zijisi, ku makumi a zyuulu ezyo Nzya kandipa. Pele eci tii cakali cilengaano. Nda kali kokuya, nke imvwi mpoonya alya, nkelangide kusule. Elyo Ndi lizi nko cili. Nko cili, beenzuma, nko cili! Ndi lizi nko cili! Iiyi munene! Mbuli masimpe buyo mbo Ndi imvwi awa, aboobo kondi gwasya, ikuti na Ndi jisi mizeeza yangu iluzi a kwiimikila awa mu cikambaukilo eci, nko cili! Leza wakapanga cisyomezyo Cakwe, alimwi cili bwini, cili bwini loko! Iiyi, munene. Nko cili. Amuzibe.

¹⁰⁵ Lino tu jana kuti, oyu muntu waka kkala ansi a kulya. Elyo bobilo babo baka nyamuka a kuselemukila ku Sodoma. Umwi wakakkala a Abrahamu. Atu langilile mubandi wabo. Ba kazumanana kulanga kutozya ku Sodoma. Elyo Abrahamu

wakalizi kuti kwakali cintucimwi ceenzu aniini kujatikizya ceeco. Aboobo Wa kati, mpawo cindi Na kalibambila kuzwa, Wa kati, "Yebo uyeeya kuti Nde elede kutantamuka kuli Abrahamu; mukuba kuti uyo oba taata wa masi, Ndi lizi nzila mbwa yokomezya bana bakwe, azimwi zimbi; cintu eco Nceyo cita?" Wa kati, "I ziba zya Sodoma zya kabija loko mane zya kanjila mu matwi Aakwe." Wa kaseluka kulangalanga.

¹⁰⁶ Lino amuyeeye, mbuli Mbwe kaamba busiku bumwi, bobilo ba batumwa abo baka selemukila mu Sodoma, elyo baka kambauka kuli bana Sodoma abo; nkabela baka bofwaazya busiku obo, ku Ijwi. Pele, amuyeeye, kwakali Omwe; ba, ba kajisi citondezyo cabio, Mweenzu akati kabo.

¹⁰⁷ Amulange Lota. Lota kakkede mu mulyango, a kwaamba, "Bami bangu." Alimwi kapona mu nzila ilili boobo! Ba kati, "Boolu mu ng'anda yangu." Wa kati, "Tuyo ona mu kagwagwa." Ino muunzi!

¹⁰⁸ Pele mbwa kacitila buyo Abrahamu; ba kati, "Obu mbo bukanze mbo tu boolela. Tula kkala ansi awa kumbali lyako."

¹⁰⁹ Eyo nje nzila. Amupone obo, kuti na Leza wayanda ku mubelesya, Uli zyi kabotu oko kwa kusika kuli ndinywe. Uli mu busena, kupona buumi busalala kumbele lya Leza, majwi ako ala syomeka, buumi bwako mbwa bwini. Oyo ngo musyobo wa busena Baangelo moba kaboola. Amulange kuli—kuli Elisabeti a Zakariya, mwabona, basyomeka abaluleme, kabeenda mu Milao yoonse ya Mwami. Eyo nje nzila njo tuyanda kupona, aboobo cindi Leza alibambilila ku tubelesya, Wa amba, "Aba mbantu Bangu. Nda konzya kucita a mbungano eyi eco Nce yanda. Bala Ndi syoma. Ba laimikila aa Ijwi Lyangu." Mwabona, eyo nje nzila njo yanda kucita, kupona buumi.

¹¹⁰ Lino tu jana kuti oyu Angelo, Wa kati, "Nse kazwi kuli Abrahamu. Pele Ndiyo muswaya kweendelana ku ciindi ca buumi." Elyo, amubone, Ta ka mwiita kuti *Abramu*, Wa kamwiita kuti "Abrahamu." Mbobuti Mbwa kaziba kuti zina eelyo lyaka cincwa? Wa kali Umwi waka licinca. Masimpe. Amubone, taakwe nakaita *Sarai*, nywebo mulizi, S-a-r-a-i. S-a-r-a-h, "Ulikuli mukaintu wako, Sarah?" Mbobuti Mbwa kaziba kuti wakali kwete? Mbobuti Mbwa kaziba kuti waka jisi mukaintu, nkabela zina lyakwe wakali Sarah?

Elyo Abrahamu wakati, "Uli mu tente kunze Lyako." Ino mulindu wini!

¹¹¹ Sunu, banakazi mbasilwiyo maningi! Boonse... Mulumi wabo takonzyi akwalo kwaambaula. Ba katalika kunamatila mpoonya awo, musanga wa tombwe mu maanza abo, kasamide cibbudula, kacita kwaambaula koonse. Obo mbo uli mukowa wabantu wakasandulwa sandulwa, we elede kuba mujiki mupati a sikusanzya mabbodela, zintuzyonse zimbi! Cindi azwa mu

kkichini, ula siya busena bwa bulizi bwakwe, yaa, mbuli mutumbu.

¹¹² Lino tu jana kuti, banakazi mpawo bakakkala kusule a kulilemeka lwabo, baka lilemeka mbuli balindu, mutwe wabo wakali umwi wakacita kusala a zintu.

¹¹³ Elyo usola kulekela mwaalumi umwi kwaambila mukaintu wakwe; waa amba, “Nda kupa kumvwisya ndyoonya lino!” Fee! Fee! Kaunga busi obo kuzwa ku mulomo wakwe, kalangide mbuli boobo, obo mbo kuboneka kuyoosya. Nsen a bwene ceeco! Elyo inga mwayeyela okuya, a kwiiama awo kulangilila muntu oyo, kutweluka muuya oyo omuya, a zintu ezyo; alimwi ndiza kwiiimba mu kkwaya mu mbungano imwi. Oh, buzuba obo mbo tupona! Ta cigambyi tuli ku buzuba obo! Nda—Nda syoma inga mwajata kwinda mu mindando eco Nce pandulula.

¹¹⁴ Amubone, nceeco mbo cakabede. Sarah wakali mu tente, waa kakkala mukati muya a kulilemeka lwakwe. Abrahamu wakali kucita kusangabalisa kwa Baangelo aba. Lino, elyo Wa kati, “Ndiyo muswaya.”

¹¹⁵ Elyo Sarah wakali kuswiilila. Elyo waa kasekela mu moyo wakwe, waa kati, “Mebo, nde mucembele, mbuli Mbweli mucembele, elyo ngoowo mwami wangu awalo kacembeede, a kwaamba kuti tuyoooba a musaalo alubo mbuli mulumi a mukaintu?” Elyo waa seka.

¹¹⁶ Elyo Angelo, a sule Lyakwe kalifutete, kati, “Nkaambonzi Sarah waseka?”

¹¹⁷ Amuyeeye, eco cakali citondezyo camamanino eco Lunyungu lwa . . . na Abrahamu lwakwe, cili ncikozyanjo ca Mbungano, cakali citondezyo camamanino eco nca katambula. Kuzwa ku zitondezyo zyoonse zimbi nzya katambula, eco cakali cimwi camamanino Sodoma kaitaninga ku nyonyoonwa. Mbombubo na? I citondezyo camamanino!

¹¹⁸ Cindi Israyeli, lunyungu olo lwakatobela Abrahamu. Elyo ba Samaria, abo bakali mbuto iizwa ku musyobo uusangene, ka Mu langila, nekuba; ba kati, “Taata wesu—wesu Jakobo wakatupa mukalo,” mwanakazi wakati ku Sukari. Mwabona? “Taata wesu Jakobo, wa—wa kapa oyu mukalo kuli Josefa, mwana wakwe, alimwi—alimwi twa kanywa kuzwa kuli nguwo, alimwi wa kanywisya nkamele zyakwe. Elyo Yebo wati Yebo ujisi maanzi, amwi mbuli ayo?” Mwabona? Elyo citondezyo camamanino kuteeti lunyungu lwa Israyeli, kunyama, lwakatambula, wakali musyobo nguwenya wa citondezyo! Fyuu! Sa tamu konzyi kucibona? Amuyeeye aniiin!

¹¹⁹ I citondezyo camamanino eco Abrahamu a cipangano, citondezyo camamanino kakutanaba kukaka mbungano ikasaala, a lunyonyooko lwakwe, cakali citondezyo ca kutweluka miyeyo mu myoyo a mizeezo, Leza waka yubululwa mu mubili wabantu.

¹²⁰ Elyo citondezyo camamanino eco Israyeli ncoya kabona kataninga nyonyoonwa, cakali cintu nciconya. Elyo ba kati, "Ngu Beezebule; musondi."

¹²¹ Lino ndi oora! Leza, aci mvugwe eci! Lino ndi oora, kuti, Lunyungu lwabwami ilwa Abrahamu! Sena mwa cimvwa? Leza waka yubululwa mu mubili wabuntu, kubapa citondezyo cabu camamanino kakutanaba lunyonyooko lwa bakasaala abainka mbuli mbo kwakacita. Mamanino! Bweebesi bupati bwamamanino akuwa kwa Lota! Acimvugwe loko eco aniini.

¹²² Abrahamu, omwe; lunyungu lwa kunyama ilwa Abrahamu, bobilo; Lunyungu lwabwami ilwa Abrahamu, botatwe.

¹²³ Amulangilile, Mulumbe taubwezi a ukasaala biyo okuya. Nkokuli akwalo nko Wa kaunka kuli mbabo? Waka tumwa kubana pentekoste, basale, bakaitwa kuzwa.

¹²⁴ Elyo mbuli Israyeli mboya kacita kaindi, makumi ali fuka-...Amulange na mbangaye, amulange na mbangaye ba Israyeli baka Utambula. Ciindi cabu nicaka sika cakuya kutala okuya, kwakali bali mwanda amakumi obile kuzwa mu kutandila mamilioni ali one.

¹²⁵ Lino amulangilile Lunyungu lwabwami. Mwabona, lweelede kuboola ziindi ezyo zyotatwe, mwabona, koonse nko tola. Hamu, Shemu, a bantu ba Jafeti. I Lunyungu lwabwami ilwa Abrahamu! Ngooyo Abrahamu; lunyungu lwa kunyama; Lunyungu lwabwami. Zintuzyonse! I Lunyungu lwabwami nkwiinda kuli Kristo, kwiinda...Twa boola ku cisomezyo ca Abrahamu eco Leza nca kamupa kwiinda muli Kristo, Lunyungu lwabwami. Elyo olu Ndunyungu lwabwami, eyi Mbungano ya Mwami Jesu kuti Uli mukuboozezya mu mazuba aakumamanino. I Lunyungu lwabwami! Amubone, wa katambula citondezyo eco! Elyo Lunyungu lwabwami Lwakwe lwa kati, cindi Na kali waano, "Mbuli mbo kwakabede ku mazuba akwa Lota, mbubonya mbo ciya kuba mu kuboola kwa Mwana wa mutu." I Lunyungu lwabwami, Lunyungu lwa Abrahamu, lwakaitwa kuzwa; Lota awalo, wa munyina wakwe, wakali kukasaala, kumusanza mu Sodoma; elyo mpawo muna Sodoma, inyika. Sunu, nyika; mbungano ya nyika; a Lunyungu lwabwami. Mbombubo, bali kkede mubusena a zintuzyonse, mbubonya buyo kweendelana ku mabambe. Elyo Leza, a cisomezyo Cakwe, wa seluka mpoonya ansi, kutondezya cintu nciconya. Ameni. Ikuti na ta cilondokede, Ta ndizi obo bulondosi mbobubede. Lwalo Ndugwalo!

¹²⁶ Yebo waka jisi kwaambaula mu myaambo, kazyana mu Muuya. Wa kali jisi kulimvwa oku koonse nko kajisi, kabona maleele aa kuponesegwa, a—a mawhiluceya, azimwi zimbi. Twa kabona zyoonse ezyo. Pele awa, nceeci citondezyo camamanino caka boola lino. Abrahamu wakabona misyobo yoonse ya zintu Leza nzya kamucitila mu nzila, masimpe,

pele mpaawa kwaboola citondezyo camamanino, mwana buyo waka syomezegwa katana boola. Elyo lino Lunyungu lwabwami luyandaula Mwana waka syomezegwa. Aleluya! Sa swebo, tu langila Mwana waka syomezegwa? I Mwana wa Leza kubweeda! Aleluya! Oh, eco cindibamba kulimvwa mbuli koongolola. Amulange! I Lunyungu lwabwami luyandaula Mwana waka syomezegwa. Mbuli Abrahamu mbwa kacita kwiinda mu myaka, kalangilila, kujatilila ku Ijwi eelyo, mbubonya Lunyungu lwabwami mbo lubede. Elyo Lunyungu lulangilila Mwana oyu uboola, kuboola kwa Mwami, kwiinda mu kulangila komwe, kulangila kwabili, kulangila kotatwe, aa kulangila kwaciloba, elyo mpaawa tu cilangila Lunyungu lwabwami. Elyo ncinzi nco tubona kakutanaba buyo Kuboola kwa Mwami? Neinzi cicitika? Leza waselukila akati kesu, kutondezya Lunyungu lwabwami mbuli Mbwa kacita lunyungu lwa Abrahamu; a Abrahamu, a lunyungu lwa Abrahamu, alimwi awa Luli a Lunyungu lwabwami. Leza kakkala akati kesu mu ciimo ca Muuya Uusalala, kacita zintu nzyoonya Nzya kacita kaindi okuya, kacita, kutondezya kuti ncimwi.

Elyo kubbutukizya kwa sayaansi ku cifwanikiso, inyika ilizi, inyika yasayaansi ilizi kuti mbwini.

I mbungano ilizi kuti mbwini, inyika yoonse.

¹²⁷ Elyo Nda syoma kuti Mbuto yoonse ya kakanzwa itandila buyo kuba mukati, mulyango utandila kujalwa, a lubeta lulaafwi kuuma. Mbo mbubo. Leza taka zwangani a muntu lyoonse. Uyo cita zintuzyonse Nzya konzya. Pele oora lya swena, beenzuma. Amubone.

¹²⁸ Ndiyo mupa cintucimwi caku mugwasya lino. Amuyeeye, ino cakali cintu nzi citobela cakacitika lino? Kabatana konzya kutambula lunyungu lwabwami, kwa keelede kuba maleele kucitika kuli bobilo Abrahamu a Sarah, cakunyama, kakutana konzya kuba lunyungu lwabwami...na lunyungu kalutana konzya kuzyalwa. "Lino, mibili wa Abrahamu wakali mbuli buyo uufwide," Bbaibbele lyaamba boobo. Embo na? "Elyo zyalilo lya Sara lyakali fwide," Bbaibbele lya kaamba boobo. Lino kwa keelede kuba cintucimwi cakunyama cicitika lunyungu lwabwami kalutana konzya kuba...lunyungu lwakali kukonzya kulibonya, mwana waka syomezegwa. Mwana oyo waka syomezegwa katana konzya kulibonya, kwa keelede kuba cintu cimwi cakunyama kucitika mu mibili wabo, kakutanaba kulibonya kwa mwana waka syomezegwa. Amulangilile eco Nca kacita. Ndiyo mupa cintucimwi ciniini.

¹²⁹ Lino, kubala Bbaibbele, Nkaano ka luyando ako Leza nka kalemba ku Mbungano Yakwe. Ngu Leza. Leza nduyandisyo. Sena mula syoma obo? Elyo Bbaibbele lili lembedwe kutegwa bayiide a basongo bataka Li mvwi. We elede kuba mu luyandisyo

a Leza ku Li mvwisya. We elede kuba a Leza muli nduwe. Ula lipandulula Mwini kuli nduwe.

¹³⁰ Lino, cili buyo mbuli Mbwe jisi mukaintu. Oh, obo Mbwe muyanda! Nda muyanda a moyo wangu oonse. Elyo Ndi nooli kumasi akumbi kubusena bumwi alimwi uyo... amana kubamba bana koona, uyo ndilembela lugwalo, a kwaamba, "Oyandwa Billy, Ndili kkede awa sunumasiku, Ndi yeeya nduwe. Ndila lemba." Mwabona, Ndi lizi eco nca lemba mu pepa. Pele Ndili muzi a kumuyanda maningi kusikila Ndili buzi ncobeni bupange bwakwe, Ndi lizi eco ncaamba, aboobo Nda konzya kubala akati ka mizila. Mwabona?

¹³¹ Elyo Leza uyanda Mbungano Yakwe kubala akati ka mizila. Kutali kubala *kufumbwa* cizwa kuli Ndiyo lino! Mweelede kubala akati ka mizila kubona eco Nco lyaamba. Lino amulangilile a kubona, kuziba ikuti na Ta ciciti.

¹³² Lino, eco Leza nca kacita a Abrahamu a Sarah, Ula batondezya, mukozyanyo wa Mbungano Yakwe. Wa kabacitila, Wa kabasandula kuba mwaalumi a mwanakazi mukubusyi. Masimpe, Wa kacita, kubajosya mukubusyi alubo, mbuli buyo Mbwa yoocita ku Lunyungu loonse lwa Abrahamu. Takukwe makani mbo cembeede a kuyabaala, kuli buzuba buboola cindi noya kuba mukubusyi a mubotu alubo, mbo mbubo, bwuebesi bupati bwa buumi.

¹³³ Nda kabuzya dokotela kutali ciindi cilamfu cainda, "Ko ndaambila, munene. Cindi ziindi zyoonse Nda lya, Nda bukulusya buumi bwangu."

Wa kati, "Iiyi, munene, eco cililuleme."

¹³⁴ Nda kati, "Lino, Leza wakati twa kali 'pangidwe kuzwa ku bulongo bwa nyika.'"

¹³⁵ Wa kati, "Mbo mbubo. I ziteo a nyama a zintu nzo mulya mbulongo. Awo mpo jana potashi wako a kkaushiamu a zintu mu mavitameni anu, yebo mpawo ula zileta nkoonya kuzwa mu nyika. Elyo uli pangidwe kuzwa ku suko lya nyika."

Nda kati, "Humu. Lino, Leza waka cilenga lutaanzi mbuli boobo."

¹³⁶ Wa kati, "Nse zyi cintu kujatikizya ceeco, pele" kati "Ndi lizi kuti lino ulalya zyakulya alimwi ula yaka mubili wako."

¹³⁷ Nda kati, "Nda kubuzya." Nda kati, "Mpawo undi buzya makani a kuzyalwa kwa nakalindu?"

Wa kati, "Iiyi, munene, Ndime."

¹³⁸ Nda kati, "Ndi yanda kukubuzya cintucimwi, dokotela. Pandulula eci kuli ndime."

¹³⁹ Wa kati, "Ee, kufumbwa cintu eco tacta konzeki kutondezegwa munzila yasayaansi tacili kabotu."

¹⁴⁰ Nda kati, "Ndiyo bweza lubazu lwa kuzundana, kuti kufumbwa cintu catondezegwa munzila yasayaansi tacili boobo, taakwe cintu kuli ncico." Elyo Nda kati, "I zintu buyo zini ziliko mu buumi nzintu ezyo zitakonzyi kutondezegwa munzila yasayaansi: luyandisyo, lutangalo, luumuno, kukkazikamoyo, buuya, lukakatilo, lusyomo. Munzila yasayaansi citondezye kuli ndime? Nekubaboobo nkasisimpe! Leza, Muuya Uusalala, Baangelo!" Amen! "Lusyomo lucita zintu ezyo. Zintuzyonse nzo mubona zili kuzwa ku nyika, zyakazwa ku nyika, zижokela munzila njionya." Nda kati, "Ndi yanda kukubuzya cintucimwi. Cindi Ne kali myaka ili kkumi acisambomwe yakukomena, Mebo kalya zyakulya nzyoonya Nze lya ndyoonya lino. Nda kali kulya bunyangu, magwili, a cinkwa, a nyama. Elyo ciindi coonse Nda kalya, Nda kakomena a kuyuma kapati."

Wa kati, "Masimpe, wali kubukulusya buumi bwako."

¹⁴¹ Nda kati, "Nkaambonzi cili, Ne kamana kwiinda myaka ili makumi obilo ayobilo yakukomena, kufumbwa mutu umbi, takukwe makani kunji nkolya, ula kompama a kukomena? Ko ciyeeya." Nda kati, "Ndi jisi kagomo ka maanzi awa, alimwi Ndi jisi gilazi; elyo Nda katalika kutila maanzi kuzwa ku kagomo aka kapati kunjila mu gilazi eli, elyo cila talika kuzula mane cazula kusika cisela; alimwi mpawo kakutakwe cimwi ansi awa pee, Nda indila kutila mukati, nociya ambele kuyaansi. Takukwe makani obo kunji mbo Ndi lya, obo kabotu; Nda lya kabotu lino kwiinda Mbwe kali kucita, ziindi zili mwaanda kabotu."

¹⁴² Ndi lizi mbo cakabede kunyeela zikutu zya nyama masiku onse, a kulya cinkwa camapopwe kuba kalimbabula a molasesi wa sogamu, elyo cintu nciconya ca cisusulo a cilalilo, acalo. Ndi lizi mbo cakabede kupona canguzu, elyo lino inga Nda lya kabotu. Alumbwe Mwami. Pele takukwe makani obo kunji Mbwe lya, Ndi ciya bukompama a kukomena. Elyo kumalekelo Njo yuminina a kufwa. Nkaambonzi? Nkaambonzi? Calo ncipangano Leza nca kabamba. Mbo mbubo. Iiyi, munene.

¹⁴³ Elyo amubone Abrahamu a Sarah, baka jokela kutandila myaka ili makumi obilo aibili na makumi obilo ayosanwe yakukomena.

¹⁴⁴ Oh, yebo wati, "Bufuba, Mukwesu Branham!" Yaa, lino amu kkale zii aniini buyo, atu bale buyo akati ka mizila lomwe.

¹⁴⁵ Mpoonya awo abo Baangelo niba kainka, elyo Sodoma yaka tentwa, Abrahamu a Sarah bakatola lweendo lulamfu kulaale kuselemukila ku Gera. Olo ndweendo lukubwene lwa banabukwetene bakaindi. Ko ceeleka aa maapu yako. Ba kaselemukila ku Gera. Elyo ngooyu Sarah eno, baneene, myaka iili makumi ali fuka yakukomena, a kalembo kaniini ka zuba, kazungaana. Elyo Abrahamu a cilezu cakwe cilamfu kalengelela ansi. I Bbaibbele lyakati, "Boonse baka cembaala loko mu kukomena." Muta soli kwaamba kuti bakapona ciindi cilamfu.

Elyo Bbaibbele ly a kati, "Mibili yabo yoonse yakali fwide, yaka cembaala mu kukomena." Elyo mpaawa baselemukila ku Gera. Elyo kuli mwaami mukubusyi kunselelo kuya uulikidwe kuti Abimeleki, elyo wakali kuyandaula kalungu kamoyo, elyo cindi naka bona Sarah waka tuyanda. Sa mbo mbubo? Banene?

¹⁴⁶ "Baa, uli maningi!" Abrahamu wakati, "Uli kabotu kulanga." Ameni. "Nda ku lomba, ko mwaambila kuti uli mucizi wangu—wangu." Aleluya! Wa kali kutondezya okuya eco Nca kali kuyo citila Lunyungu loonse lwa Abrahamu. Sarah wakali muboto. Abrahamu wakali mukubusyi. Nda konzya kumvwa Abrahamu kati, "Sarah, oyandwa, uli zyi cintu na, imvwi zyazwa mu masusu aako."

¹⁴⁷ "Abrahamu, ntunda yamana kusule lyako. Yebo waololoka." Ba kabweeda ku mwaalumi mukubusyi a mwanakazi mukubusyi. Leza, kutondezya! Oh, ma!

¹⁴⁸ Elyo Abimeleki waka tuyanda, a kuunka a kumutola, wakalino mukwata. Nda konzya kumubona kasamba, akubikka ansi pajama yakwe, aku nongomeka tunwe twakwe, naka mana kupa mupailo wakwe, a kuti, "Juunza Njo kwata oyo musimbi wa myaka ili mwaanda yakukomena"? Bufuba! "Oyo musimbi muboto mu Hebrayo! Oh, munyina wakwe, oyo mulombwana mukubusyi! Elyo obo mbwali muboto!"

¹⁴⁹ Elyo Leza wakalibonya kuli nguwe mu ciloto, a kuti, "Uli buyo mbuli muntu uufwide."

Kati, "Mwami, nkaambonzi cili boobo?"

Wa kati, "Oyo mukaintu wa mwaalumi."

¹⁵⁰ Wa kati, "Yebo ulizi kululama kwa moyo wangu, Mwami. Waa kati, 'Oyo mukwesu wangu.' Elyo wa kati, 'Walo mucizi wangu.'"

¹⁵¹ Wa kati, "Iiyi, Ndi lizi kululama kwa moyo wako, nke kaambo Nda kutantamwida ku Ndi bisizya." Pele amuswiilile! "Pele uli mbuli uufwide, alimwi cisi cako coonse canyonooka. Mulumi wakwe musinsimi Wangu. Ta ndikwe makani obo mbosalala, obo kunji mbo komba, Ta ndiko swiilila mipailo yako. Pele mulumi wakwe musinsimi! Koya, a kujosya mukaintu wakwe a kumu lekela ku kukombela. Ikuti na tociti, uyo fwa." Aleluya!

¹⁵² Ino cakali cinzi? Leza kabamba Sarah a Abrahamu kulisambila kutambula mwana waka syomezegwa. Kutondezya kuti cintu citobela kumane luyubunuko lwa Angelo oyu wa Leza, Muuya Uusalala kautondezya citondezyo Cakwe camamanino, cintu citobela, eci cifwika cisama citafwiki nkabela twa kwempwa mu mulengalenga kuyo swaana Mwana waka syomezegwa, Lunyungu Iwabwami ilwa Abrahamu. Bulemu kuli Leza! Aleluya! "Nkambo tuyo cincwa mu kaindi kaniini, mu kulaba kwa liso, alimwi tuyo kwempwa antoomwe

kuyo Mu swaana mu mulengalenga. Aboobo mbo tuyooba a Nguwe lyonse, Mwana waka syomezegwa.” Aleluya!

¹⁵³ Oh, Nse kojana . . . Ndiyo . . . Ndiza juunza masiku Ndiyo jana cipati 22, mwabona.

¹⁵⁴ Oh, Nda ciyanda, embo na? Ndili kkomene loko, zintu ezi zyoonse! I Bbaibbele lizwide buyo tubalululo tuyandisi otu twa luzyalo. Waka tambikizya buyo aku babweza, ku kololola suko kuzwa kuli mbabo a ku balanga. Boonse babo baiminina Jesu Kristo, bantu boonse, nkambo muli Nguwe mwakakkede buzule bwa Leza. Muli Nguwe, zintuzyonse mozitondeka. Zintuzyonse kuzwa ku Cizuminano Cakale zya katondeka ku ciingano; alimwi zili mu Cizuminano Cipy, citondeka kusule ku ciingano. Mbo mbubo. Nku koonse okuya. Oh!

Kalelekwa kaanzyo ako kaswaanganya
Myoyo yesu mu luyando lwa Bunakristo;
I luswaanano lwa mizeezo iikozyenye
Luli mbuli lwa Kujulu.

¹⁵⁵ Obo Mbwe Mu yanda! Obo Mbwe yanda ku Mu bona! Obo mbo Ndi yandisa a kulindila kuumwa oku kwa kaindi, kacuzaulwa, moyo utsyokede, mubili wakayabaala kuyo cincwa amwi mafumina aya! I mweembo uyo lila nkabela bafu muli Kristo bayo buka. Tuyo kwempwa ambabo, kuyo swaana Mwami mu mulengalenga.

¹⁵⁶ Obo Rabeka mbwa kapa nkamele eyo mu kutontola kwa mangolezya. Elieza taka mujana cifumo. Ta kamujana ciindi ca sikati; wa kamujana mu mumuni waku mangolezya. “Ku yooba Mumuni ku ciindi caku mangolezya!” Ncibotu! Awo mpempawo mpa kamujana. Waa kavumba kubusyu bwakwe. Ta kajisi mutwe; waa kali kwiinka ku mutwe wakwe. Ameni. Ii mwanakazi, mbupange bwakwe, bwa mwanakazi, ku kulipa ku mwaalumi. Elyo mbupange bwa mbungano kulipa kuli Kristo, kulipa ku luyando Lwakwe. Kulipa buyo! Ta jisi kuyeeya kwakwe mwini; ula bweza Ijwi Lyakwe, kutali lya muntuumwi umbi. Ikuti na Eva nakacita eco, ni twata keelede kufwa; pele waa kaswiilila kubuzyabuzya. Pele Nabwinga wini wa Kristo ubweza Bweendelezi bwa Kristo, Ijwi, alimwi usyoma buyo Ijwi lya Leza. Oyo ngu Nabwinga, wini waka boozegwa. Aleluya! Cila tandila kukkwana ciindi, beenzuma, camana kale ciindi kwiinda mbo myeeya. Tuli ku ciindi caku mangolezya. I Muuya Uusalala mpouli ano sunumasiku. Ndi lizi ni nkamu, niini loko.

¹⁵⁷ Inga wayeeya, “Oh, ikuti na cintucimwi mbuli ceeco inga cacitika, Leza uyo ciyubununa okuya mu Rome, ku mabbishopo akuli bamapoopu. Uyo boola kuli bishopo wa Methodisti. Uyo unka ku seminari ya Baptisti. Uyo . . .” Inzya, obo mbo yeeya. Pele Ta kacicita munzila eyo.

¹⁵⁸ Ula boola ku myoyo iibombede, abo ba Mu langila. Elyo ngooyu Mpali sunumasiku, Muuya Uusalala, Leza, Angelo

nguwenya; awa kumbele lya basayansi, kutondezya, ngooyo Mbwa bede a cifwanikiso Cakwe caka kkopwa. George J. Lacy, mweendelezi wa kudinda kwa mpela zya tunwe twa FBI ulanganya makani a mapepa, wa kati, "I Mumuni wakauma lensi." Wa kati, "Ba. Branham, Nda kaamba ziindi zinji kuti zyakali Iwiiyo lwa kulilemeka kwamizeezo, kuti wakali kubala mizeezo ya bantu abo. Pele" kati "liso lya muncini wa kkamera eyi tali kakonzyi kukkopa kulilemeka kwamiyeyo. I Mumuni wakauma lensi. Wa kaliko!" Nceeco Mbo cibede. Cimwi cazyo cila lengelela mu Washington, DC, cakkopiraiti, "I Cilenge cilikke cigambyakwiinda cakasolwa kufotolwa munzila yasaayaansi a kutondezegwa."

¹⁵⁹ Nkaambonzi? Ikuti na Nda fwa sunumasiku, ikuti na Nse njili mu cikambaukilo eci juunza masiku, majwi angu Mbwini. Nkaambo, taali majwi angu, nga Akwe. Nsena ambide "lwangu" Nseli ndime. Nse kakonzya kucita cintu. Ndili muntu mbuli nduwe, sizibi wakafutulwa ku luzyalo. Pele Leza, mu mazuba aya akumamanino, kasyomezya zintu ezi, alimwi mbaaba we! Ndi Ijwi. Ikuti na cakali cimwi cakuyeyela buyo, inga caba candeene. Pele ndi Ijwi kali tondezya Ijwi kwiinda ku Ijwi, lyaka simpikizigwa, Bbaibble kwiinda. Kutondezegwa kwiinda kuli banasayaansi! Kutondezegwa ku Muuya! Katondezegwa ku mbungano! Leza akati kesu! Aleluya. Ndili kkomene kapati kuli ceeco. Sa tamu kkomene, masiku ainda, mwa kaima a kucita obo? Sena caka mubamba kulimvwa bwandeene? Ciyo cita lyoonse, cindi waiminina Ijwi lya Leza. Ko iminina Kristo! Uta usi nsoni kuli ncico.

Atu kombe.

¹⁶⁰ Sa kuli umwi omuno sunumasiku uyanda kutambika maanza aakwe kwa kaindi buyo kaniini lino, a kwaamba, "Mukwesu Branham, kondi yeeya mu mupailo wako. Njo cita, Ndi sukamina kuba imwi ya Mbuto ezyo zya Abrahamu. Nse—Nse yandi kwiimpya Julu. Komba, Mukwesu Branham. Lyoonse kunsi kwa moyo wangu Nda limvwa kuti kwakali cintucimwi Nce kasika. Nse na konzya ku cijana. Kondi kombela, Mukwesu Branham, kuti Leza uyo cipa kuli ndime"? Leza amu longezye. Amulange buyo ku maanza, koonse, kuboola.

¹⁶¹ Mbuti kujatikizya bbalukkoni? Lino, amuyeeeye, Leza ngo mupati buyo mu bbalukkoni mbuli Mbwa bede ansi awa.

¹⁶² Sena ulisinizizye ncobeni, uli cisinizizye? Tambika janza lyako. Leza aku longezye. Ndi langilila buyo asyoonto. Amu zumanane buyo kukomba, amu bambe mitwe yanu kiiikoteme.

¹⁶³ Ii sizibi omuno sunumasiku uyanda kutambika maanza abo, kwaamba, "Kondi yeeya, Mwami. Nse tambika janza lyangu ku mukambausi oyo; Nda tambika janza lyangu kuli Nduwe. Nda syoma ncobeni kuti Ula pona sunu, kuti To kafwa; kuti cindi Wa kafwa, Wa kabuka alubo, mubwini. Elyo Ula pona kwalyonse,

mbobuca nguwenya, sunu, amuya myaaka. Nda tambika janza lyangu kuli Nduwe, nkaambo Nda syoma Uli waano”? Tambika janza lyako, kwaamba, “Kondi yeeya, Mwami.” Kuzumanana buyo kukomba. Koba a lusyomo muli Leza.

Ii sikuwa, mpawo? Leza aku longezye. Ula bona maanza ako.

¹⁶⁴ Taata wesu Wakujulu, Wa bona maanza ayo. Uli zyi eco cili kunze lyabo. Wa kati, “Ii sikumiza wakaunka kaya bumiza Mbuto. Žimwi zyakawida munzila, tee zyakaba kabotu; zimwi zyakawida mu bulongo bwa mabwe maningi; zimwi aa maamvwa; zimwi zyaka njila mu zili mwaanda.” I sikumiza wakali mulimo buyo wa kumiza Mbuto. Amulekele Muuya Uusalala ujate Mbuto eyo ndyoonya lino. Mwami, tu... Nda—Nda syoma, Mwami, tu...

¹⁶⁵ Taakwe muntu uuzi cindi Wa boola. Ta tuzi obo. Wa kati, “Kutali nobaba Baangelo kuti bayo ziba; cita buyo Taata.” Jesu waka taminina kuti Ta kazi. “Buyo Taata alikke.”

¹⁶⁶ Lino, Taata, Nda komba kuti na kuli baabo mukati muno abo batambika maanza abo, Nda syoma baamba eco. Kuli Cintucimwi kunze lyabo, eco, Muuya, oyo wabaambilia kutambika maanza abo, nkabela tiiba cicita. Bali sinizizye. Ndiza eci neindi citaanzni Neo kasola kukanana kuli mbabo, alimwi inga caba ciindi camamanino. Ndiza Wa kaambaula ziindi zimwi, nkabela to kaamba alimwi. Ta ndizi. Pele, Taata Wakujulu, Nda komba kuti Uyo pa lufutuko ku bantu boonse abo basyoma.

¹⁶⁷ Lekela Zina Lyako Lisalala ku letwa mu lulemeko kumbele lya bantu. Akube kuti luyandisyo Lwako lutilidwe cakupaya mu myoyo yoonse kwinda ku Muuya Uusalala. Longezya aba bakwesu bakutausi, Mwami. Aba bantu bayandisi awa bajisi, akati ka nzwango, baka nditamba, nekuba. Longezya bantu abo bajanika.

¹⁶⁸ Ta ndi kanzi kuba sikamikami, Ta ndi kanzi kuba waandeene, Mwami; ca bwini buyo. Elyo nce cintu cilikke eco Neo muyo ziba, bwalo mbwini buli mu muntu, nkambo Uli Bwini. Komvwa eno, Taata, Nda komba. Kopa kuli mbabo sunumasiku kuti bunji bwabo okuno, abo ndiza bata tambika maanza abo, bayo futulwa, nekuba. Ko cipa, mu Zina lya Jesu. Ameni.

¹⁶⁹ Lino mbuli mbo tukkala cakubatama asyoonto buyo. Nda syoma twa muka aniini buyo kuba a mundando wa mipailo, pele tula ucita. Muntu aumwi, cindi wa...yebo, ikuti na ujisi kkaadi, ujisi kkaadi lyako. Ikuti na tojisi kkaadi, uyo jana lyomwe. Tuli...Ikuti na tweede kukkanala awa kwa mazuba osanwe ambi, tuyu kombela umwi aumwi wabo. Mbo mbubo.

¹⁷⁰ Ndi soleka buyo kuleta Mulumbe ku bantu. Ndi sola kumubamba kubona cipati...Ikuti na mwaponesegwa; antela, ikuti na ukapone ciindi cilamfu, uyo ciswa alubo ciindicimwi.

Pele ikuti na wakasola kufutulwa, uli jisi Buumi Butamani. Mwabona? Inga waponesegwa, a kuzumanana mu lweendo lwako a kusweekelwa lufutuko lwako...inga wa sweekelwa buumi bwako, mubwini; pele cindi wa futulwa, uli jisi Buumi Butamani mpawo, kwiina kuciswa.

¹⁷¹ Nda libuzya ikuti na mwa mvwisya sunumasiku eco Nceli kwaambaula, kuti Leza walibonya kuli Abrahamu a Sarah okuya, a kubapa citondezyo camamanino, oyo Angelo, kakutaninga kuboola lunyonyooko nkabela mwana waka syomezegwa waka pegwa. Ku Mbungano, ci, citondezyo eco, wakali Mwana wakali kuboola. Ku nyika, lwakali lunyonyooko. Lino, eco Nca kacitila Abrahamu abalo bakali mikozyanjo.

¹⁷² Jesu wakasika aa nyika, Lunyungu lwabwami ilwa Abrahamu, a kucita citondezyo eco nciconya. Mbangaye bazi boobo kuba booboo, amwaambe “Ameni.” [Mbunga yaamba, “Ameni.”—Mul.] Masimpe. Elyo baka ukaka. Sa mbo mbubo?

¹⁷³ Lino, Ta kacita ceeco kuli Bamasi, nkaambo Lunyungu lwabwami tii lwakazwa, Mbungano teeya kalina zyalwa. Pele cindi Mbungano niya kazyalwa, elyo lino yaka jisi myaka ili zyuulu zyobilo, buyo ku i... Amuyeeeye, oko kwakali kujala kulindila kwa Abrahamu. Oko kwakali kujala kwa lunyungu lwa kunyama lwakali kulindila Mesiya, nkaambo Mesiya wakaliko.

¹⁷⁴ Oku nkujala kwa kulindila ikwa Lunyungu lwabwami. Mpali awa, kulibonya kwa Kristo. Sena mwakasola kusola kupambula... Kuli busena mu Bbaibbele, nywebo mulizi, Nse jisi ciindi caku njila muli mbubo, waamba “kulibonya kwa Kristo,” elyo mpawo “Kuboola kwa Kristo.” Ezyo nzintu zyobile zyandeene, kumaninina, “kulibonya” a “Kuboola.” Uli mukubonekela lino, kubeleka andiswe mu ciimo ca Muuya Uusalala, ku cibamba kulondoka ncobeni, Mbungano. Yeelede kucita.

¹⁷⁵ Mbuli kuti ujisi mali ya dollar mu nkomo yako, koli gusya a kulanga. Ku lubazu lumwi calo ncinamatizyo ca America; ku lubazu lumbi calo ncinamatizyo ca Egepita, piramidi ijisi bbwe lyakumpela aatala eno ali njijo, mbuli liso lilanga. Elyo nkaambonzi dollar ina America ncoiya kubikka kunsi okuya, “I caando cipati”? Kuboneka mbuli kuti caando cina America inga caba caando cipati awa. Pele Mfulumende ya United States ila ciziba nanka ilayanda na pe, caando cipati.

¹⁷⁶ Amulangilile piramidi eyo mbuli mbo yeenda, Mbungano. Kululamikwa, kusalazigwa, lubbizyo lwa Muuya Uusalala, elyo mpawo kweelede ku sumpulwa kuzwa cindi... I Bbwe lyakumpela taakwe nilya kasika ku piramidi, Lya kakakwa, mbubonya mbuli Bbwe lyacisiwi. Lino, pele cindi Bbwe eelyo lyakumpela lyasika... Nda kaliko ku piramidi; lileela kabotu loko, inga toinzya mbeli akati kalyo, awo daka mpo libede. Elyo cindi Mbungano yaboola, nkokuti... Cindi Kristo aboola

kutambula Mbungano Yakwe, i Mbungano iyoba a mulimo mbubonya buyo mbuli boobo, alimwi kwiinda mu luzyalo olo luyo busya cintu coonse, mpawo kuunka. I kuboola kwa Bbwe lyabwendelezi; kulila, “Luzyalo, ku Mwami!”

¹⁷⁷ Ndi jisi cintucimwi mu mizeezyo yangu. Aleluya! Leza wesu ucili Leza. Ula yubununa maseseke Akwe ku balanda Bakwe. Nda kakanana zya Angelo oyo wakapa sule Lyakwe ku tente, alimwi wakapede sule Lyakwe ku tente, a kwaamba eco Sarah ncakali kuyeeya mukati. Nda amba kumbele kuti oyo Angelo nkwalilino, Muuya Uusalala, nguonya Musumpululu wa Mulilo, Oyo nguwenya wakali muli Kristo. I Musumpululu wa Mulilo waka sololela bana ba Israyeli. I Musumpululu wa Mulilo wakaba mu mibili wabantu a kukkala akati kesu. Wa kati, “Nda kazwa kwa Leza, kuya kuli Leza.”

¹⁷⁸ Kwiinde lufu Lwakwe, kuzikkwa, bubuke Bwakwe, Wa kaswaana Saulo mu lweendo kuselemukila ku Damasiko. Elyo Mumuni waka muuma kuwida ansi. Elyo wa kati, “Mwami, Mwami!”

¹⁷⁹ Wa kati, “Saulo, Saulo,” lutaanzi. “Nguni . . . Nkaambonzi nco Ndi penzezya?”

Kati, “Nduweni Yebo, Mwami?”

Wa kati, “Ndime Jesu.” Kojokela!

¹⁸⁰ Ngooyu Mpali ano sunumasiku, watondezegwa a Mbungano Yakwe, munzila yasaayaansi a zyoonse! Oh, beenzuma, nkaambonzi nco tu ziima kapati? Nkaambonzi nco tukkala cakuloolola? Amulekele i—amulekele Leza oyo wakaamba Ijwi, amulekele Leza kuti . . . Mbuli Elisha mbwa kaamba, oyo waka jokela a cibeela cabubili ca Eliya, wakavunga cikobela, a kuti, “Uli kuli Leza wa Eliya?” Amulekele Leza oyo wakalemba Ijwi, kusimpikizya Ijwi! Ikuti na Eli ndi Ijwi Lyakwe, a Mu leke aime kuli Ndilyo! Wa kasyomezya kucicita. Uyo cicita ikuti na tuyocisyoma.

¹⁸¹ Lino andi zibye eci antangalala. Nseli Muntu oyo. Ndili mulanda ku Muntu oyo. Elyo nduwe, ayebo, ikuti na uli Lunyungu lwa Abrahamu.

¹⁸² Pele, mebo nkekambauka Ijwi Lyakwe, a kwiima mu buzuba awo kabungwe koonse mpo kaka ndikaka, tubunga tula nditanda kuzwa ku busena kuyaku busena. Elyo babunyina bayandisi buyo abo bali mu tubunga oto, oyo uubona Mumuni, uyo jatilila kuli Nguwo kakutakwe makani eco masena aendelezya ncaamba. Leza alongezye bantu mbuli boobo. Leza longezya banakazi a baalumi abo bakaima masiku aindia. Ino inga Nda kucitila nzi? Amu ndibuzye cintucimwi. Amu ndibuzye cakucita, Ndiyo cita kufumbwa cintu Nce konzya kuli ndinywe. Muli bantu ba Leza. Kufumbwa mwaalumi na mwanakazi uyo bamba kwiima mbuli boobo, akati ka kuzwangana, Ndi jisi bulemu kuli nduwe.

¹⁸³ Lino ikuti oyo Angelo . . . Mu Ijwi lya Jesu Kristo ca kaamba kumbele, kuti kakutanaba buyo kuboola kwa Mwana wa muntu, kuti cintu nciconya caka citika ku Sodoma ciyo citika ku Mbungano, Walo aboole aa cilao.

¹⁸⁴ Njo nyona kusule lyangu. Amu kotamike mitwe yanu a kukomba. Inga nsesola kwaamba ceece iki na Nse limvwa kusololelwu kucicita. Inga ndaba mufubafuba nkambo kakubambila kaambo kali boobo. Pele, kusyoma muli Kristo Mwana wa Leza, kusyoma kuti Walo ndi Ijwi! Elyo Ijwi lyaba kasimpe mu mubili wesi, cindi twa bweza Ijwi, nkaambo ncisyomezyo Cakwe, "Njo oba muli ndinywe ku mamanino aa inyika, a milimo eyo Nje cita muyo icita anywebo."

¹⁸⁵ Nda futatila nkamu ya bantu, Taata Wakujulu, oyo Nje kakambaukila, aa Mulumbe oyu. Nda Ku lomba, Leza, acizibwe sunumasiku kuti Yebo ucili Jesu Kristo Mwana wa Leza, alimwi Yebo ucili Jehova Leza. Nduwe mbobuca nguwenya, sunu, amuya myaaka. Elyo wakali Nduwe okuya kaambaula kuli Abrahamu buzuba obo ku tente. Wa kali Nduwe wakali kukonzya kutweluka eco mwanakazi oyo ncakali kuyeeya mu tente, a kumwaambila. Elyo mpoonya awo, kukaka kwakwe, Noka bweza buumi bwakwe, pele waa kali cibeela ca Abrahamu, nabwiinga wakwe. Mwami, Uyo bweza maumi esu, ku kutasyoma kwesu, pele tuli cibeela ca Kristo. Inga tojana, kabweza Sarah kakutakwe kucisa Abrahamu. Elyo To konzyi kubweza Mbungano kubellesya—kakutakwe kucisa Kristo. Kondi gwasya, Mwami. Nse jisi lwiiyo. Ndili buyo . . . Mwami, Nse jisi cintu, pele kusyoma buyo Nduwe. Elyo Nda syoma. Ko cigwasya, Mwami.

¹⁸⁶ [Ii mucizi wakanana mu myaambo, mucizi umbi wapandulula—Mul.] Ameni. Kulumbwe kuli Leza muumi. Lino, Mpali. Amubatame, bulemu.

¹⁸⁷ Ula konzya kubusya mutwe wako ikuti na ulayanda. Lino kutali biyo . . . Mwabona, Bbaibbele lyaamba kuti ku kanana mu myaambo nja kugwasya lwako buyo, citakuti kuli bupanduluzi. Elyo ikuti na bupanduluzi, eco ncisinsime ku Mbungano. Elyo nzila Mbwe kamvwisya bupanduluzi obo kaindi, bwakali bwa "Kosyoma Mwami, kuti Nguwe wa katuma Ijwi." Elyo mpawo Nse kaboola mu zina lyangu lini, Nda kaboola mu Zina Lyakwe. Elyo milimo Yakwe Nja kalino cita kwiinda muli ndime mpawo, kwiinda kukukambauka Ijwi Lyakwe a kutondezya Ijwi Lyakwe. Ncamasimpe. Nda syoma obo. Mula syoma mbubonya na? Mbangaye bacisyoma lino, Walo katana . . . ? Leza aku longezye. Lino, eyo nje nzila ku, nje nzila. Kobamba eco ceelekelo nkabela uyo bona cintucimwi cacitika.

¹⁸⁸ Ndi lap sule lyangu ku bbunga, nkaambo oyo wakali Muuya Uusalala kupa bumboni buyo kuli ceeco. Mwabona? Koba tuyumu a ceeco cakucita. Lino mula syoma okuya mu bbunga,

muntuumwi. Takukwe muntu oyo Ngwe konzya kubona... Mbangaye okuya bacisidwe a bapengede, na bajisi muntuumwi upenzegwa, na cintucimwi cimbi nco kombela, alimwi ulizi kuti Nse zyi cintu kujatikizya ncico, tambika buyo janza lyako. Ee, Ndi yeeyela kuti cili mu kasimpe koonse. Ee, atu syome buyo eno. Uta, uta soli kuzwa, kondipa buyo... Ngu—ngu maminiti aali kkumi aabili kusikila teeni. Amundipe maminiti ali kkumi aobilo, mula cita? Kutabi umwi uputa. Uta soli kuzwa, pee. Kokkala buyo ncobeni zii lino. Ciindi buyo cimwi, kojula moyo wako.

¹⁸⁹ [Ii mukwesu wakanana mu myaambo, mukwesu umbi ulapandulula—Mul.] Ameni. Ndaku Lumba, Mwami, ndaku Lumba. Cabulemu tula lemeka eco a moyo wesu oonse. Eco ncipego mu Mbungano. Koba buyo mu mupailo, cakubatama.

¹⁹⁰ Amuyeeeye, bakali kuunka ku nkondo ciindi cimwi, tii bakazi nzila ya kuswaana nkondo eyi mpati. Davida wakaliimvvi alya, akwaabaula ambabo cibeela ca nyama a kagumbuli ka waini. Pele Muuya wakawida aa muntu omwe, elyo wa kasinsima a kubaambila oko kwa kuswaana sinkondo, nkabela cakali boobo.

¹⁹¹ Tu swaana nkondo mpati, mukwesu. Elyo tu liimvvi mu nkondo mpati ndyoonya eno. I Muuya wawa alimwi, aa muntu umwi, alimwi wa mwaambila buyo cakucita, ku “syoma.” Uli mukusola ku gwisyu mizeezo yako kuzwa kukuba ndime. Mwabona? Bamwi banu mweelede kuyeeya kuti ngu Mukwesu Branham kusola kucita cintucimwi. Nseli ndime; walo Nguwe. Ndi buyo... I cipego nkulipa buyo lwako, mbuli kulinjizya lwako mu giya. M bubonya mbuli maikkrofooni eyi, koi yasya, cintucimwi ceelede kwaambaula kwiinda muli njyo. Yalo ni giya niini Nce tyanka, cintu ciniini. I Muuya Uusalala! Nse ityanki; Ula ityanka. Elyo mpawo Ula kanana; nseli ndime. Lino amubatame a kusyoma, umwi aumwi wanu, a kukomba buyo.

¹⁹² Lino, bantu boonse balizi kuti Bbaibbele lya kaamba kuti “Jesu Kristo ndyoonya eno ngo Mupaizi Mupati uukonzya kugumwa kwiinda ku kulimvwa kwa nkompami zyesu.” Ikuti na mbo mbubo, akube kuti mbunga yaambe, “Ameni.” [Mbunga yaamba “Ameni!”—Mul.] Sa Walo Mupaizi Mupati nguwenya? Amwaambe, “Ameni.” “[Ameni!]” Ikuti na Walo Mupaizi Mupati nguwenya, inga Wa cita nzila njionya. Sa mbo mbubo? “[Ameni!]” Ameni. Lino ino inga wacita nzi?

¹⁹³ Lino, kundi guma, inga tii cabamba lwandaano luli loonse; Ndili muntu. Pele ku Mu guma, mpawo Walo Muuya Uusalala uli *omuno*, mpawo Ula vviila a kubalesya milomo ya bantunsi. Nkaambo, Walo Musaansa, swebo tuli mitabi; Tazyali mucelo, Walo upa biyo nguzu ku mutabi.

¹⁹⁴ Nkokuti, ndilapa sule lyangu, kutegwa mubone kuti zintu Nze amba.

¹⁹⁵ Lino, aba bakutausi awa aa cibumbili, bali mukukomba. Inga mwa ndilanga ikuti na mula yanda. Eco cili kabotu. Kubona buyo, inga waziba kuti bali buyo... Nkaambo, uli mweembezi, ndo nduwe weembela mbelele ezyi. Aboobo, kuti buyo mukonzye kuziba. Elyo Ndi yanda kuti mundi kombele, bakwesu. Nkaambo, nywebo mwabona eco nce Ndi pandulula? Ndi iminina nguonya Kristo oyo ngo belekela. Elyo Ndili munyoko, sicisi nyokwe wa Bwami, a ndinywe bakwesu. Elyo Ndili waano buyo...

¹⁹⁶ Mwabona, lino, ndyoonya lino Ijwi eelyo Nde kakambauka, mwabona, Lili muntenda. Ndyoonya lino, kukakilwa, nce ncico Saatani ncakali kuyanda kubona. Nkukoone nkwa yandaula. Pele Leza tali sikwaalilwa. Amubatame buyo.

¹⁹⁷ Lino a sule lyangu kalifutete, Ndi yanda muntuumwi... Andi pe sule, ili ni nzila yoonse. Andi cebukile ku cibeela eci, kusaanguna, elyo mpawo Ndiyo boola kuya ku busena bumbi. Lino muntuumwi kusule nzila eyi; kuli banji loko, mbuli, kabakomba. Kusule mu nzila eyi, muntuumwi wakomba kusule awa lino, oyo uyanda kusyoma Leza. Kosyoma buyo a moyo wako oonse, kusule omuno abusena bumwi.

¹⁹⁸ Lino, Taata Wakujulu, Nda—Nda Ku lumba mu milumbe Yako yoonse, zintuzyonse ezyo Nzo kacita. Lino kondi gwasya, Mwami. Ndili—Ndili...ku lusyomo, Nda Ku syoma, Ijwi Lyako. Nda syoma Wa kali Muuya Wako waka ndita kucita eci. Lino aku zibwe kuti Nda kaamba Bwini. Nda kalungulula Nduwe, eno kopa bumboni, Mwami, kuti Nda kaamba Bwini. Nda bulomba mu Zina lya Jesu. Ameni.

[Ii mucizi wakanana mu myaambo—Mul.]

¹⁹⁹ Taata Leza, tu lindila bupanduluzi bwa ceeco. Yebo wakati, mu Bbaibbele, inga kuyooba “kusyanikizigwa kwa zyotatwe,” nkabela eco ncatatu. Lino twa—twa komba kuti—kuti Uyo ciyubununa ku muntu umwi oyo ujisi zipego zya bupanduluzi. Nda cisija kuli Nduwe, mu Zina lya Kristo.

[Ii mukwesu wapa cisinsime—Mul.] Ndaku Lumba, Mwami.

²⁰⁰ Lino, eco cali cisinsimi, kutali bupanduluzi. Mwabona, wa kaamba kunji kwinda mwanakazi nkwa cita. Kuli bupanduluzi buboola. Mwabona, oyo muntu wakali musinsimi.

²⁰¹ [Ii mukwesu wapandulula—Mul.] Ameni. Ndaku Lumba, Mwami.

Cigaminina kusule lyangu...

²⁰² [Ii mucizi wakomba—Mul.] Leza, kopa cilongezyo ku mwanakazi, ula lilila. Koba buyo...

²⁰³ Lino amubatame buyo ncobeni lino, a ku cisyoma a moyo wanu oonse. Lino, ku Muuya Uusalala, Ndi sola kuleta Ijwi eelyo Nde kambauka, muli ceeco Nca kapeda bumboni kuti ciyo citika. Lino amusyome a moyo wanu oonse.

²⁰⁴ Kuli muntu umwi wiimvwi kumbele lyangu, oyo uukkede kusule lyangu. Elyo walo mwanakazi. Elyo uciswa penzi lya moyo. Elyo ujisi zyoonse zikoolo ezyo zimupenzya. Uli kusule lyangu buyo. Ikuti na mwanakazi taimvwi nji...I bbunga lilalanga; Nda jala meso angu. Awalo ulabikkila maanu kujatikizya umwi muyandwa, nkokuti, mulumi wakwe oyo uukkede kuzwa kuli nguwe; uli lebukide, ujisi mufunko. I zina lya mwanakazi ngu Muka. Brumley. Kosyoma a moyo wako oonse. Koima a kutambula eco nco kombela, nkabela uyo tambula eco nco lomba. Koima ku matende aako. Sena wali bambila? [Mbunga yaamba, "Iiyi."—Mul.]

²⁰⁵ Leza aku longezye. Nse muzi mwanakazi, nseni mubwene mu buumi bwangu. Tuli beenzu kuli umwi aumwi. Kuli... Lino amu babuzye, kamuya a kubabuzya ikuti na cili luleme. Lino ikuti na oyo tali Leza nguwenya wakali kumusanza okuya kakutanaba buyo Sodoma, Ta ndizi mboubede.

²⁰⁶ Muntu umwi uumbi mu cibeela eci kosyoma eno a moyo wako oonse. Mwami Jesu. Ngooy mwanakazi ukkede nkoonya kusule lyangu. Walo ujisi kuyandisya kusakene. Walo ukombela cintucimwi ca Leza ku mupa. Walo muvwanda, ngwa pailila. Uli mpoonya awa kusule lyangu. Muka. Holm, wabuka a kusyoma Mwami Leza. Elyo ikuti na uyo cisayoma a moyo wako oonse, inga waba a muvwanda oyo ngo kombela.

²⁰⁷ I mwanakazi waboola mukati, nkabela uli lemene. Uli kkede mu wiluceya. Uli kusule lyangu. Tazwi ku cibeela eci ca cisi. Walo uzwa—walo uzwa ku Sacramento, Sacramento nkwili kunyika. Waa kali cisidwe loko. I madokotela taba konzyi ku mugwasya. Waa kali mu cibbadela. Waa kajisi kupandulwa kunji. Ujisi penzi lya nsa, penzi a mafuwa akwe. Ula libilika buyo, mane ujisi buyumuyumu bwakusilikwa. Uli mucimo cibyaabi loko. Muka. Beeler, awo, tambika janza lyako a kusyoma kuti Mwami Jesu... a kubambwa... Leza aku longezye.

²⁰⁸ Ula syoma na? Leza ucipona a kulela. Ikuti na ula cisayoma a moyo wako oonse!

²⁰⁹ Ngooy mwanakazi muniini, Ndi langide aali nguwe uukkede awa. Walo uciswa penzi lya mu mala. Zina lyakwe, Nse muzi. Pele sena ula syoma kuti Leza inga wandaambila kuti nduwensi, mulindu? Muka. Berglund. Ula syoma a moyo wako oonse, alimwi ula konzya kuba kabotu. Ula syoma.

²¹⁰ Ngooy mulindu ukkede mpoonya awa, kapailila mweenzinyina oyo wakazwaa kuba ntenda ya mootokala. Ula syoma a moyo wako oonse, inga watambula eco nco lomba.

²¹¹ Ngooy mulindu ukkede alya uciswa kuciswa mutwe. Sena ula syoma a moyo wako oonse? Inga waba kabotu. Uta cizumbaauzyi. Kosyoma buyo. Ikuti na Tali Leza nguwenya, Nse zyi kuti Nguni. Uli waano ku—ku, ikuti na uyo cizumina a kucisyoma.

²¹² [Ii mucizi wakanana mu myaambo, mukwesu ulapandulula—Mul.] Ameni. Alumbwe Mwami.

²¹³ Sa tamu konzyi kumvwisia kuti muli mu Busyu bwa Leza? Mula cita obo. Lino Ndi yeeya eco nco tweede kucita ndyoonya lino, Muuya niwa kamana kukanana, "Amuboole kuli Ndime, amusyoma Ndime, nobantu Bangu," Ndi yeeya kuti tweede kwiimikila ku Iwaku cipaililo ndyoonya lino, a kulekela abo batazi Kristo kuboola atala kuzunguluka cipaililo awa aku Mu tambula mbuli Mufutuli wako. Ikuti na tona tambula Muuya Uusalala, waboola, ayebo, kutambula Muuya Uusalala, nkaambo kakuti ciyo citika nconzyo. Sa inga toboola lino kuciindi no tu jana bulile; muntu umwi uyo solelola kwiimba. I Muuya Uusalala wali kwaambaula. Leza aku longezye, mucizi. Mbo mbubo. Muntuumwi umbi wazwa ncobeni a mulindu awa. Boola mpoonya atala ikuti na ujisi eco... Leza aku longezye, mucizi. Mu Busyu, omo Bbaibbele, Ijwi, kusimpikizya, zipego, zintuzyonse kazibeleva, sa tacili cibotu ndyoonya lino? Boola nkoonya ku cipaililo. Koseluka kuzwa mu mabbalukkoni. Yebo otakwe Leza, otakwe kuzuzigwa kwa Muuya, boola lino kuciindi no twiimba.

Jesu ulainda nzila eyi,
Nzila eyi, sunu;
Jesu ulainda nzila eyi,
Walo ulainda nzila eyi sunu.
Jesu ulainda nzila eyi,

Sa inga toboola lino kuciindi Na inda, Muuya Wakwe kaweenda, kaamba, "Boolu"?

...asunu;
Jesu ulainda mu nzila eyi,
Walo ulainda nzila eyi asunu.

²¹⁴ Sa inga toboola kuciindi Na inda? Amulange eco Nca cita akati kanu, kutondezya kuti Ngu mbobuca. Kozwa ncobeni, muntu onse oyo uta Mu zyi, utana kuzyalululwa. Sa inga toboola lino kuzo Mu yandaula? Amuyeeye, Muuya Uusalala nguwenya uli muzyi.

...nzila asunu.
Jesu ulainda mu nzila eyi,
Nzila eyi, asunu;
Oh, Jesu ulainda mu nzila eyi,
Walo ulainda nzila eyi sunu.

²¹⁵ Lino amulekele buntu boonse buble lino abo batazi Leza, abo batali masimpe kwiima kwanu. Ko boola kunselelo. Uta—uta bi... Uta bi muzeezo wabupampu wa ncico, mukwesu, mucizi. Uta citi eco. Yebo inga wacita musyobo uuli onse wa kunyanyamukwa. Kwayanda waka jisi bulowa mu maanza aako, ku meso, kwayanda waka jisi kubimba, azimwi zimbi. Taakwe

kulwana ceeco, lino, eco cili kabotu. Yebo inga waamba mu myaambo, yebo inga wakazyana mu Muuya, elyo ko cisweekede. Mbo mbubo. Bu leelede kuba Buumi obo bwakazyalwa muli nduwe, obo bubweza Ijwi eli a ku Li bamba kupona bupya alubo. Mwabona, Kristo ndi Ijwi. Elyo ikuti na tona jana lusyomo lwa kunjila mu Ijwi eelyo a ku Li syoma, sa inga toboola eno.

²¹⁶ Mbuli Mbungano ya Leza, mbuli Mimuni yaku mangolezya mboili mukutalika kumwekela aansi, alimwi i—i musamu uli mukubizwa; Leza wakati Uyo boozya musamu ulya, oyo musamu wa pentekoste nguonya, musyobo nguonya wa Lusyomo, zintuzyonse nzyoonya nzoba kajisi, musamu oyo uyo boozegwa alubo; kakutakwe kabungwe, kakutakwe cintu cili coonse, ciyo boola mu nguzu zyuubauba zya Muuya Uusalala, kuyiisya Bbaibbele mbubonya buyo nzila mbo Lya kacicita. Twa kasyomezegwa omwe mu mazuba aakumamanino, nywebo mulizi, kuboola a kuboozezya olo Lusyomo. Aboobo Nda syoma Uli waano sunumasiku, mu ciimo ca Muuya Uusalala. Boola lino, kuciindi notwiimba alubo, aboobo tu yooba masimpe kuti twa cibamba.

²¹⁷ Lino amuyeeye, ikuti na muuya oyu... Nywebo no bantu ba Pentekoste ncobeni amusyome zipego zyanu zya myaambo a bupanduluzi! Ikuti na tamu konzyi kusyoma eco Nca cita awa, mpawo amusyome myaambo yanu a bupanduluzi, bwa ku mwiita ku cipaililo. Alekwe mutu aumwi aboole. Ikuti na mwabona eco kacibepleka, eci kubeleka, Leza kabeleka, baa, ngu Leza! Nkunji buti, ndeeli Ijwi awa kali Li simpikizya, kwaamba kuti Ndya Bwini. Ko boola. Ciindi cimwi cimbi lino, elyo boola lino.

Jesu ulainda mu nzila eyi,
Asunu, asunu;
Jesu ulainda mu nzila eyi,
Uli mukwiinda nzila eyi asunu.

²¹⁸ Lino amuleke abo basyoma muli Leza, bakutausi beni a—a balanda ba Kristo, boola, kozwa, kumwi no twiimba alimwi eno. Muswene munsi ku cipaililo, kuzunguluka aba awa. Elyo atu kombe ambabo, antoomwe. Amu boole. Sa inga toboola okuno? Nse konzyi kusika kuli mbabo, umwi aumwi, a maanza angu. Ndi yanda kuti mubbole. Bamwi banu bakwesu bakutauka mula selemuka aakati kabotu kunselelo kuya eno, aboobo inga waba guma a kubikka maanza ali mbabo. Yaa. Nywebo nomuzi Leza, amuboole, kweenda kuzunguluka awa, bamwi banu no banakazi a banakazi aba, nywebo no baalumi a baalumi aba. Amutante awa lino. Eyi ni ii—alo matobelanwa aa Leza. Amutante lino, nywebo nobantu. Nce ncico, nce ciindi. Bamwi banu no bamatumbu banaleza a bamwi bakwesu banaleza, kweenda koonse kuno eno kutegwa inga mwa bikka maanza aanu aali mbabo, mu kusimpikiziga, kubikka maanza ali mbabo kuti bayo tambula Muuya Uusalala. Yaa. Lino, nce ncico. Nce ncico.

²¹⁹ Lino, nkaambonzi nco boola? Nkaambo kakuti ula syoma. Walamwa kuti Leza uli akati kesu. Mpali ano sunumasiku. Uli waano kabeleka mu zitondezyo a zigambyo zipati.

²²⁰ Amuswene moonya munsi, yoonse. Amuswene moonya kutegwa bantu bakonzye kuba abusena bumbi bunji. Amuswene monya munsi. Ta kucikwe kuselemukila mu tuzila, nywebo mwabona. Amuswene buyo munsi.

²²¹ Mbangaye mu bbunga babikkila maanu kujatikizya bantu aba baimvwi awa lino, lwa lufutuko lwa buntu bwabo, tambika janza lyako. Yaa. Toonse atu antoomwe lino, atutambike maanza esu kuli Leza, a kulomba mupailo.

²²² Taata wesu Wakujulu, twa leta kuli Nduwe sunu masiku nkamu eyi, a Muuya Uusalala aakati kesu, uliko lino, kubamba Ijwi Lyakwe kupona bupya alubo. Kozuzya moyo aumwi, Mwami. Boola mu nguzu zya Muuya. Ko cipa, Mwami. Ko tanda kuyoowa koonse, badyabolosi boonse. Ko njila kwiinda ku nguzu zya Leza, a kweendelezya buntu abu. Mu Zina lya Jesu Kristo, Nda batuula kuli Nduwe nkambo ka bulemu Bwako.



JEHOVA-JIRE 2 TNG62-0706
(Jehovah-Jireh²)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwasanu mangolezya, Kunkumunamasamu 6, 1962, ku Municipal Auditorium mu Grass Valley, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisycintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org